

吳澄嘗敘其集曰所謂仁義之人其

稱許如此元統二年

十家

勿謂可以理
生乎不作

文石居詩集殺
命尤人所難卒

東鄉令是年

烏范奉教

在之日脚

退經菱湖有

而速懦夫於

上臺獲釋卒全

小樓間往來靈

恒淚坦白有語

盡觴自酌與至亦

及取事者即掩耳去

王錫玉宇建侯少時受業

爭欲延致以母老固辭

講藝兼便定省服卽灌園治

應明經科堅辭不就壽八十餘無嗣鄉士飲其

以其館爲廂歲時綴錢以祭到命清爲之作記

周分封字孟侯髫年變知於郡侯蔡公冠軍遊困頓風

簷二十餘年不得一與棘誌遇蔡文宗雲怡侯宗

廣成俱有空羣之譽始得食館卽崇禎已鄉

馬太史素修拔冠一紅癸未詔下吹身中途遂涉皮然

曰世景如斯富貴奚爲歸而掃一室閉戶著書十載

戶庭終無手筭以終遺稿散佚

哭之卽于或有知音故友山陽今已

其遇也

入臺稱其文行交

入臺稱其文行交

人轉吏部主事丙

一身辱莫大焉享年

地遠

才先生齋

父多隱德國仁

喻古履

棘園不售晚攻書毛之術旁及醫卜星

輿之學靡不探究精微曰吾以出世濟世也生平嚴交
遊重然諾遇事敢言義形於色王公貴人不能奪同里

易白樓以父執欽之志其墓碣為文行策長云

易應旻字仁之應昌弟年十二郡庠十九歲廩餼

潔有蕪千金說者堅却之居郡城閉戶著書

落欽然成詠少司馬邱公七伯題其象曰非人繼

澹臺之餘風埋羊在園祇銅馬之峻節葉文莊贈詩曰

清修管幼安高行徐孺子

國朝

單讓字義行字四世孫天性凝重家貧為父母營葬地二

十年始就屆期大雪夫婦手持畚鍤露宿山頭事竣手

足龜裂無完膚講學授徒忘懷得失著有四書折衷澹

園集解頤編字學晰蘭子國王登順治壬辰進士任紹

興知府

聆希明水先生曾孫也少讀書以古人為期年

一補弟子員甲申後遂意仕進以詩古文自娛

大布深衣閒行阡陌間四十餘年不入城市

得絲毫。不取于人。自號鶴雲山人。嘗作陳處
注顛末一篇。飭後人題墓曰。故處士陳鶴雲所作。
隨手散佚。今刻行者。惟歷朝使考一冊。

石沫字公劬。朝棟子。少有異才。讀書經目不再。甲申後。
棄諸生。灌園自給。朝棟死。難若沫哀慟。終身常如始喪。
舊廬曰傍石。居獨處數十年。未嘗他適。卒年七十三。李
伍漢爲行述。揭貞傳誌其墓。

揭企新。號鶴圃。蒿菴重熙從兄也。子培亦從重熙殉難于
闕。企新謝絕人事。閉戶獨居。危坐終日。出則麻巾布衫。
隨田父野老相慰勞。嘗作觀物詩二十首。自序云。善觀
人者。觀于物。善觀物者。觀于人。余於閒居。儻觀物類。感
大道福善禍淫之意。未嘗頃刻不存焉。特人忽而不省。
由余州守性若。稱其廉頑立懦。有闕世道人心。

臨川縣志卷之四十五

鄉賢志 武功

陳



周敷字仲遠爲郡豪族敷形貌眇小如不勝衣而膽力勁果超出時輩鄉黨少年任氣者咸歸之侯景之亂鄉人續續所部有欲侵掠殺者敷擁護之親率其黨并送于豫章時觀寧侯蕭永長樂侯譙基豐城侯蕭泰避難流寓聞敷信義皆往依之敷愍其危懼屈體崇敬厚加給郵送之西上俄而續部下將帥爭權殺續以降周逌逌素無簿閫恐失衆心倚敷族望深求交結敷未能自固

事迪甚恭迪大憑仗之迪據臨川之工塘敷鎮臨川故
郡侯景平梁元帝授敷敷寧州刺史封西豐縣侯陳武帝
受禪王琳據有上流余孝項與琳黨李孝欽等共圍周
迪敷助迪迪擒孝項等敷功最多熊曇朗之殺周文育
據豫章將兵襲敷敷大破之曇朗走巴山郡敷因與周
迪黃法氍等進兵層之玉琳平授散騎常侍豫章太守
時南江僧帥並顧戀巢窟唯敷獨先入朝天嘉二年進
號安西將軍令還鎮豫章周迪以敷素出已下超致顯
貴深不平乃舉兵反遣弟方興襲敷敷大破之仍從都
督吳明徹攻破迪擒方興再還都督南豫州刺史迪又
收餘眾襲東興文帝遣都督章昭達征迪敷又從軍至
定川縣與迪相對迪給敷水還朝欲立盟敷許之方登
壇爲迪所害謚曰說子智安嗣位至太僕卿

宋

楊揆字純父少能詞賦用薦秦淮閩杜杲幕治法征謀多
谷於揆逾年安豐被兵以青策解圍奏補七官常夜以
青布籍地乘生馬以躍初過三尺次五尺至一丈數閃
跌不顧制置使孟珙目爲小子房與以茶局周其資用
揆糜費數萬賈似道稽數責償珙以白金代揆償揆又
散之賓客酣歌不顧似道欲殺之揆曰漢高祖以黃金
四萬飭付陳平不問出入公乃顧此區區不以結豪傑
之心耶似道始寘之珙嘗燕客有將校語不遜命斬之

揆從容曰斬之誠是第方會客廣謀議非其時也珙大服未幾謝絕賓客治進士業遂登第調麻城尉向士璧守黃州檄入幕尋以戰功陞三官調潭州節度推官趙葵爲荆湖制置使揆與偕行王登迓於沙市極談至夜分揆退曰王景宋滿身是膽但恐終以勇敗後登死人以爲知言卒贈架閣

李天勇從謝枋得學德佑元年元將武良弼攻饒州枋得傳檄諸郡天勇統臨川馳壯援之大戰樂坪兵敗死之

元

李弁字宗禮後徙餘干習泰鄉至正間項普壽陷饒州弁與章綸章黼集義兵迎敵當鋒者止九人血戰大敗弁好學治易爲文立就卒死於戰

章迪字允德能文章有才畧爲行省掾以正直不阿爲權奸所黜復遊京師至正十六年吳廉使當奉詔捕江西盜辟迪爲行省檢校時劇寇胡志學據撫州民不勝其酷迪率兵討之志學戰敗伏誅一郡遂定左丞火你赤忌其功召還省殺迪帳下寃之

趙均保至正壬辰間寇逼郡城完者帖木兒章益謙等守撫州兵疲援絕幾挫陷木古柄倡義於柄均保與陳德輝倡義於外散家財訓丁壯設計防禦於是東鄉諸義復相率佐之均保旣平金塔乃提兵與完者帖木兒破明水溢塘諸賊帖木兒署古柄爲廂官行省以便宜累

擢均保廣東宣慰司同知副都元帥時江西諸路皆陷
焚掠殆盡獨撫州得免於難諸義之力也

劉德銘至正壬辰春臨川將亂德銘遣妻子走金谿東塘
饒舅家郡守率民倡義推銘爲首賊不敢犯金谿繼亂
賊欲辱其妻自經死節甲午冬銘率兵從守臣取金谿
破種湖寨擒賊多人授南豐州判官丙戌夏陳氏兵破
撫城守臣平章完者兵敗銘歿於王事詔加旌贈予布
賢構思親堂於虎溪湖上以祀二人族人太僕寺丞劉
貫爲之記

四

曾時亮劉傑一正德初五土命時亮時亮北原城爲邑善水
賊與東鄉賊爲最熾豐城接壤又有溢塘之寇朝命大
將廣西狼土官兵討之仍委龍令以民兵嘗之龍廉
得時亮傑二密與定計令密約鄉兵爲援及致期舉事
俘斬三百餘級薙獮殆盡時亮之力爲多制閩遂乘時
討平東鄉時亮口不言功身不受賞過人遠矣

饒理字元幹勇敢好義善射援例入國學正德辛未歸省
值盜起監司偁佐縣令龍誥督民兵薄賊巢次於何坊
賊猝至衆驚散獨理奮怒射賊賊併力攻之攢刃雨集
而手彎弓不釋理無子以兄子治入繼撫按上於朝錄
其子爲藩司掾仕至縣丞

何奇亦糾衆爲援師兵潰賊戰如林垂刺令奇把令大呼

曰令賢寧殺我母害我父母官賊遂捨詔而殺奇

鄭勇飛臨川獄囚也嘉靖辛酉九連洞賊數千自廣贛流

出寧都樂宜直侵臨川過郡城四鄉焚掠督府胡公雖

勅官兵肆勅退縮不前鄭踴躍願立功宥罪遂率鄉兵

奮鬪馬上橫槊長槍歌舞以進賊衆披靡追至饒源賊

方阻虎溪水沉溺無算里人太學生饒黎降統鄉勇乘

高阻隘望賊羣奔急放一砲賊驚回顧勇飛單騎失伍

後軍怯懦不繼賊環攢之馬陷淖死焉賊遂遁不敢窺

郡勇飛力也惜無卹其功者

趙世傑字忠甫臨川武庠也善文及長鎗與衆角技時嘗

置小鐵環於竿首如錢大高三尺許傑從百步外使鎗

壬申五月流寇自崇入宜分隊四掠巡道王公維嬰署

傑爲前鋒教師劉德安能飛偕往宜丞胡鴻賓與爲聲

援官兵兵不五百遇賊于霍源賊中傑鎗斃者三十餘

人會鴻賓負傷兄鴻德往救爲賊所殺衆稍亂傑大呼

率衆追至務山峰高徑曲不利用鎗炮焉時盛夏暴露

數日家人往殮面如生同日死事四十餘人宜立義勇

廟合祀中丞解公並祭之

謝勅字顯吾撫守禦千戶也勇而多智嘉靖間寇掠宜黃

督府胡公宗憲檄令督兵聲援比至宜城已陷勅分兵

擊賊斬獲頗多自辰至未兵寡且疲困垓中死事聞贈

指揮同知世襲建褒忠祠祀之

國朝

管天祥字方旭少從軍隸贛鎮討蠡起諸賊能以少擊衆
敵戰深入累功爲寧都城守康熙甲寅六月耿逆僞將
黃冬生等圍石城天祥逃道從汀界入援至城下賊果
分兵伏於路計邀援師見官兵猝至而驚遂擊破之伏
兵歸復鏖戰城中合勢夾攻斬賊千餘級乃潰走天祥
躡其後苦戰累日凝血兩腋間肉多腐經月乃瘥十月
廣呂賊謝思禮寇李村天祥出禦帥數騎直前爲賊所
截天祥奮呼衝突得出谷口與大兵合力戰賊敗賊衆
披思禮而奔天祥躍馬追之不及其股馬心厥賊時
然自是畏管僉習之名皆膽慄後復降廖汝端於小源
調歸虔協與副戎周某共破王割耳於信豐亦與平興
國厓石碁二十一

涿州副將卒於官

鄭愷字元象號義菴康熙丁丑科武進士授山西陽高衛
守備衛屬雲中邊徼軍民雜處屯籍丁賦多偏累愷至
悉爲清理初右衛未增兵旁邑止徵銀協濟及增兵後
始議改運本色陽高距右衛獨遠愷力請再四始得比
照應朔等州分喂馬匹就地支應著爲例屯民賴之越
十五年會推倒馬關都司值大兵西出留辦供億復調
入覲以勞蹟越陞叅將領廣西潯州協鎮中軍遊擊事
歷三年坐陞本協副將年六十六卒於官

臨川縣志卷之四十六

鄉賢志

尚義

宋王積翁紹興中汝水旁曠而東金堤潰積翁盡以家財千金募築歷嘉祐淳熙中太守趙師都葉夢得修之因其舊也按全隄唐初首議者鄒稜明弘治中陳陂事者王溥李鶚而積翁以獨力成之功最鉅

饒時亨淳熙甲辰進士初授翰林院玉牒寺正累官禮部

侍郎明於典故嫻於詞令歸老於家設社倉以惠邑里建昭源祠塑像置田以隆賢祀卒勅塋崇仁蟠龍寺外

孫愿登進士

吳興宗字子善尚書屯田員外郎表徵之孫二十喪母父以生事付之早作晚息凡嫁五妹辦數喪尤篤於友愛兄弟有過則婉規之旣而卽泣曰吾親以汝屬我我所以不避艱險者保汝而已弟卒感悟改爲善士以文學名卽熙寧三年進士吳孝宗也荆公誌其墓

婁起莘字

兄南良字德剛咸淳戊辰進士次兄文輔

字道興元程雪樓薦爲五鼓書院山長起莘力學不住隣人朱氏有竊女歲儀將溺之於江華聞亟追之給粟以全其家揭曼碩作詩述其事子志淳亦用雪樓薦任南岳書院山長吳文正稱臨川家世儒雅忠厚必首推婁氏焉

高季澄景泰四年出谷二千石助賑又何萬安吳彥斌各捐谷一千二百石助賑俱奉勅書旌爲義民

吳安邦正統六年大祲出粟一千五百石助賑特賜勅旌獎景泰壬申復出粟千三百石賜冠帶安邦子亦好施著有養正遺稿同時李彥寬熊仲堅皆出粟千五百石全以莊出粟二千石各賜勅旌獎

車輪錢世彰左先南並于正統年間捐穀二千石助賑錢振邦于景泰四年捐穀一千二百石劉雍三捐穀一千四百石錢振輝捐麥四百五十石錢昇世彰子捐穀一千石已上七人俱奉勅書旌爲義民家藏舊勅詞並

與李伯美同

李伯美字在中天性孝友正德七年歲大歉出粟千二百石助賑郡縣聞於上奉特勅褒揚賜章服子柔字勝剛嘉靖間亦上粟六百石奉旨旌爲義民時樂安曾宗雅宗周兄弟聞風而起皆伯美倡之

黃作字震卿宋進士九成後家累素封族鄰有急求無不應有貧負償者立焚其券萬曆戊子祿輸谷千石助賑賜執旌獎

周宗鏡少以文章意氣自豪於古帝王將相儒者之畧無所不窺談天下阨塞如在凡庸初爲諸生後棄去神宗中葉徒步走京師上書言時務爲當路所排因而歸白號無懷氏究佞同性命之與性輕財與人雖百金弗吝與於人一錢必償將死謂其子曰吾無所負於人止負某氏六斛粟必反之子如命少與若士湯公友善爲立石表其墓云生不負人死不愧尸著悼亡友賦以哀之臨川有三處士俱生嘉隆間早負至性一松湖里官徙行五者少壯經營頗裕卽專意教子已登賢書又置義學延師以訓族姓饋俸皆已任焉素行孚于鄉邦一陂頭里曾西谷鼓鑄多資受侮比隣乃延名師訓四子科名蔚起一洛石里張梗行五者兄弟服賈已歸而兄滯維揚忽晝寢夢兄血衣淋漓醒而大慟立買舟訪舊主曰令兄挾三百金久歸同王家遍覓無蹤歷半載餘王家

臨川縣志 卷之四十一
見一漢攜具登舟熟視卽原舟也密稟鎮巡執之舟中獲一小等兒號有焉到官一訊卽承原金具在王僕尸沉于江矣舟子伏辜乃著鳴冤錄以紀實持金歸還嫂姪延師訓孫淺成仕族三人行誼畧同家俱素風修善訓後身享遐齡諸嗣貴顯知有開之必先也

楊紫生臨川之市人常挾貲賈建州順治辛卯夏故明揭兵部重熙兵控百丈磔被執拘建寧獄紫生與揭無平日之雅聞變遂變服爲傭以貲賂守者得出入待索餽衣絮成具至獄中瓜髮詩文及百戰而衣皆密奔以出如是者八閱月揭始就刑市口是日風霧晝翳震電交發移時乃齊尸橫南街者一晝夜紫生賂地保裹尸出埋城外時頭尚懸藁竿紫生賂守者橐而藏之遂并城外遺骸買棺衾殮殮扶歸舁其子貞傳葬焉復與貞傳徒步走闖越數千里求重熙遺文以歸紫生又言重熙被執時有二生不知姓名方巾博衣闖軍門謁關者曰願與揭先生一見直入上主者之座從人叱之不去曳之下且罵但曰願與揭先生同死遂下別獄同日刑于建市至市時問孰爲揭先生械繫而拜曰得一見死不恨矣惜其姓名不傳又重熙從子死者六人培赤羽冲俱被執不屈死恢之剛五没于陣萬毅欽繩被執斃于獄

陳觀漢字天乙臨川副使鍾盛子稟性英異豪邁不群母

歿結廬墓側終服未嘗御酒食癸卯省試入彀者數日
以副司爭元友落之生平尚義俠有友人子質穎而貧
業樵爲生黃悉經紀其家引與子同課其後學成入庠
至友族無告依黃爲生者不下數十每讀史至忠節事
擊節忘倦甲寅後吳逆旣平僞將韓大任轉寇吉贛間
至丁巳猶聚衆掠寧都巡撫董衛國委觀黃與寧都魏
禧往招撫俱見害長子廷桂進士新寧知縣行取吏部
主事贈觀黃如其官次千士廷槐廷相廷斌並庠生觀
黃之遇害也千士力請廷問信哀號走賊中求父喪賊
執之千士泣告曰我輩命不辭但乞無毀父骸賊感動
得釋卒負喪歸事寡母盡孝

李茂秦字會登侍講來秦從弟順治初年兄弟二人俱爲
騎卒所掠分處三營茂秦時年十二知書通文義卒帥
變之撫爲己子長弟爲人所殺茂秦得其人懇于主帥
手刃之旣而卒帥欲爲娶婦泣辭強娶之月餘終不與
合婦問之曰吾兄弟三人長弟被害幼弟未知何在家
有老母未審存亡吾終不留此俟少報義父恩卽去吾
不欲玷汝終身也居無何爲卒帥勾當公事稱王帥意
賞資特厚卒帥喜呼茂秦劇飲曰吾且久當得陞調汝
亦無憂富貴是夜茂秦竊駿馬疾馳二百里天明沉其
馬間竄走歸母寓建昌迎歸奉養旋入湖廣訪幼弟不
遇而歸居常涕泗甲寅族兄來秦遭誣繫獄籍家禍且

不測茂泰憤激糾鄉鄰有節氣者四十餘人走南昌訪于將軍將軍疑來泰賄囑命縛前五人曳出行刑茂泰瞋目謂將軍曰將軍以不叛者爲叛是將軍叛也我死當白上帝召將軍質對將軍義而釋之來泰事旋白茂泰慷慨見義必爲而敬禮文士甚恭年八十餘無病而卒

楊慧吾家貧廢讀書楚數年稍裕弟聘吾不惜物力妻勸異居終不許友愛益篤一日盜賊伯父東湖費門啓矣感公誼悔而散于孟及謹守庭訓叔母鄒氏無子守節宅被火孟及養葬之盡禮丙辰歲大疫有僕父子四人尤甚或勸其攜子遠避者孟及不忍延醫調護卒賴以

生後家評中落處之恬然子徽烈領康熙戊子鄉薦有

文名

鄭一德少篤孝慕義劇賊劉爲鄉患一德父以拒賊被創德募豪殲賊報父仇息鄉患後遷三山椽司因繼母病謝不赴捐田入祠供祭邑建社倉歲輸粟百石時朝廷有河患詔軍民輸粟助河工者旌表有差德輦粟二千斛信足風云

李拱極字星耀少偕伯兄讀書中道棄去以藝事遊荆楚久之往返滇黔蜀漢兩粵間贊以大饒父喪哀戚一喪諸禮市田構宅不以自私兄弟四人合爨數十年友愛交至歲饑出粟賑貸全活甚衆鄉里德之

黃熙乾縣庠生父如璋好善樂施乾事之至孝乾居積廩
餘倡首建家廟隆祀事族有貧不能娶者其系將絕乾
哀金妻之又其孝思所推云

管銓字仲衡生有異稟父天祐以武功顯寅卯間詔平竄
寇銓弱冠侍軍幕忠勇氣節士卒驚服父卒事母誠孝
養羣盡禮兄鉅宦歸疾卒銓撫諸姪如己子孝友之行
足追配古人又心存利物甲申歲饑罄貲易米給粥全
活冬六邑里頌之年六十七卒長子學溥癸卯恩科
舉人學溥學淵邑庠生

傅應軫字宿全十歲而孤母黃病篤刲服爲膳以進得愈
國初叛帥王得仁兵屯城外有馬死南鳳鳴橋下或誣
其兄文垣所殺罪在不測軫代兄父繫情詞激烈師感
動釋之有張姓以負營債出妻者軫代償銀使復完娶
歲饑散粟族黨不責其償鄉里義之子士英士偉孫欽
俞邑廩欽玉欽承俱庠生

李原古字我立縣增生闡修積學素與揭重熙友善重熙
死其子貞傳得免於難者原吉與劉命清諸人保全之
力也原吉孫邦翰字融燦縣庠生值康熙甲申歲饑邦
榘傾廩賑濟李伍漢誌其墓

席颺字帝念縣庠生居家孝友兄弟析產甘取確磻尤好
施與康熙甲申歲荒竭囊給粟施粥救饑有貧出妻者
嘗捐金保助之子大容大寧大定大蒲大寵孫此昌俱

邑庠生

華熹字介眉順治甲午武舉美之子廩生勲之弟讀書好
施與康熙丁丑甲申兩載游荒出粟賑饑嘗載米二百
石往饒州舟次瑞洪饑殍盈岸熹即艤舟盡數散給空
載而歸無恡惜意子弘紀郡庠生

晁道焜字懷劬宋賢百談之裔晁氏自仲州徙撫有公詩
者建九經堂於金谿卽今學宮也百談自宜徙臨遂世
爲臨川人焜愷仗義有任俠風以椽補承福尉清介
自守有能聲未幾引疾歸築室教諸子備極義方之訓
諸子皆知名周人緩急雖老不懈年八十餘卒子辰乙
榜恩貢星順治辛卯舉人所著時藝膾炙人口其古文
詩歌有素心堂詩集北山悟言續杖聲諸刻孫九人子
管康熙庚辰進士翰林庶吉士

吳慶雲性孝友痛弟分爨早卒子在襁褓婦守志不二命
令爨俾無凍餒姪長婚教如己子所植產授之維均子
德卿順治丁亥歲饑減價出糶族人賴之孫子弼創祠
廣祭愛族恤貧恪守慶雲家法曾孫大昇舉人

黃先覺字心君天性孝友親病侍奉湯藥衣不解帶者累
月兄弟同爨數十年無詬諍語幼穎異善屬文冠童子
軍者再督學侯公峒曾賞其文與弟楠吉同補諸生楊
公兆魯儼之四十人中潦倒場屋屢薦不售晚授都昌
訓導辭不就所著有萬家集寸知錄數卷藏于家

陳映微字北垣慷慨有氣節幼居父喪哀毀逾禮兄卒嫂撫孤守志微事之如母甲寅寇發昌險保護母嫂賴無恙里中有華苒者遇難將出妻映微贈金得全後微遭寇繫華雜伍中識而生之映微屬侍講李公石臺愛甥有黠訟者貪金構勝悉謝絕善屬文尤長于詩不獲售世士林惜之

董三策字子忠少治舉子業以父潤生客遊滇南當甲寅吳逆之變懼權子難捨生抵賊中迎之歸父得考終自是絕意進取一足不入城市惟以古文詩詞自娛家素豐財不自封殖饑者散之粟病者施之藥死者助之棺復構義館召同里子弟貧者肄業其中多所成就鄉里德之二子政醇俱邑庠生

周兆鳳字鳴岐邑庠忠祚子性豪俠鬻千金產倡建河埠石橋語子曰吾以此落產然利人事當爲也後三北鳳捐產修之性樂施與負輒焚券學使王公線匾曰學行鈞懋年七十六卒

晏如琦字次韓性慷慨重然諾孝事繼母父在日爲諸子分財別居及如琦壯致貴稍裕復合諸兄弟全慶二十餘年身無私積賑鄉里有故舊新喻晏公斯盛高其行爲作孝友傳

洪騰萬性純篤尙施與年百歲題請建坊曰昇平人瑞饒萬楷字子皆臨川人宋進士時亨裔孫性公直有豪俠

氣置義塾修橋路設龍溪渡重新昭源賢祠建大小祠
宇皆置田以贍之先達王公思賦贈以齒德達尊隨額
年九十八卒男光耀邑庠生孫龍圖太學生

邱坤伯性寬厚樂推施鄉鄰有乏者輒解以給之年一
零一歲雍正十三年建坊

梁宗勝字獎仲邑庠生性沉實敦儉朴樂推施尤好
遇修橋路無不踴躍從事鄉人咸稱之課二子
長子楫貢生

傅瑞字瑞卿元末隱居不仕受業吳當之門

以父老乞歸後改撫州城瑞助貲建築

一城碑多有千七字蓋其父名也

臨川縣志卷之四十六

鄉賢志 列女

唐

蕭氏二女撫州長史蕭歷女也父母俱卒於任長年十六
與兄弟同毀容載二喪歸貧不能給次宣州戰馬山舟
人委柩去女結廬水濱穿壙而葬朝夕號哭有馴烏編
兔茵芝之祥喪滿不釋衰人高其行或請婚女曰有能
爲我致二柩葬故里當以身事高安尉楊舍爲載二柩
歸葬乃釋服歸楊氏

按劉志云二女似非撫產以舊志所列仍之

宋

陳氏適宜黃涂端友紹興乙巳賊發與被執者同驅入黃山寺陳罵曰我良家子義不受辱乃幽之覆壁居數日族黨齎金帛贖還過半賊縱陳亦使去陳曰吾聞貞女不出閨闈今何面目登涂氏堂死之

吳氏王益妻好學強記于事未嘗有所專益生七子長二人元配徐出也愛之甚于己子二子卒遇其發憤異諸婦處內外疎戚甚有恩聞讒訕置之不藏怒也自奉養未嘗擇衣食人以窮來歸者分衣食給之嫁三從孤女如己出待長子之母族如己族方困時朝廷召于安石官之至數四不起或曰益強諸曰士各有志吾何可強之也及安石知制誥法得封其親勅弗言己安石有歸志以不足于養爲憂氏曰義苟當去吾豈有不安哉其志行如此

王氏荆國女吳安持妻封蓬萊縣君能詩賦絕句云西風不入小窓紗秋意應知我念家極目江山無限恨對人收泪看黃花荆國三妹二女皆能詩如集中示張氏女弟寄朱氏妹蔡氏女子篇什不一可見弟平甫女劉天保妻亦有不緣燕子穿簾幙春去秋來那得知之句

黃氏處士謝方妻溪堂先生逸之母也讀書教子不以得喪累心逸嘗自解于前曰逸貧不能治生願爲親憂母曰女豐于行而廉于財吾志也得不得有命何戚爲黃卒潘邠老銘其墓

董氏謝幼槃妻賢而嗜學幼槃與客論古事有所遺忘董必能記一日李商老過其家語及五代時有沙陀將臥疾僚佐見錦衾曰爛兮將怒曰我本沙陀安得謂我爲奚偶記其事而忘其姓名遣稚子問之董氏曰康福晏氏丞相殊曾孫女父孝廣爲楊州尉建炎間兵至城陷孝廣殉難女年十五統帥欲娶之女自刎死待制李易爲作傳贊曰父死于忠女死于烈忠孝一門光我簡牒梁氏歸王姓僅數月會元兵至夫婦俱被執有千戶強欲汚之婦曰夫在情不忍帥釋其夫婦度夫德節即拒罵奮力與搏被殺後夫謀更娶久不諧夢梁云我托生某氏當復歸君比遣聘詢其年與梁死日合

吳氏江寧府錄事參軍吳賁女年二十四歸王令未及一年令卒獨有遺腹一女其兄欲奪而嫁之號泣弗許歸老父母之家荆釵素布不事塗飾如此三十二年後在黃池陂獨居掌治陂事歲率農夫千餘人修治堤堰蓄水灌田利及一方一方人循稟教令子弟有不率者自攜價楚求治之詔賜聚帛以壽終

(元)

熊氏江西儒學提舉洪畊母也母節孝賢慈旣卒翰林學士元明善爲之立傳草廬先生署傳後曰明善於人未嘗輕許其文不易得有此特筆而洪母之賢益彰矣陳淑貞陳璧之女七歲能誦詩鼓琴元末陳友諒寇隆興

淑貞取琴鼓之曲終泫然流涕曰吾絕絃于斯矣父母
怪問之曰城陷必遭辱不如早死明日賊至預投東湖
而死同時李宗頤妻夏氏亦以賊至投井死

李氏餘千李仲公女仲公避兵臨邑遂歸邑人艾子高生
子在襁褓苗兵猝至李與夫潛逃遺子於寢李曰吾復
入取兒至室被兵執欲污之罵而死子猶在懷中

黃氏名嗣真金谿黃以權女適臨川吳泰發性莊靜好學
泰發客死三衢黃迎其喪爲文以祭其文悲悽激烈時
年二十七親教三子賦三十韻詩勉之大德間郡上其
事館閣名卿皆爲嗟嘆得旨復其家明宋濂題其詩後
黎氏熊鼎母名慧清寧都人七歲母卒然無依養於外

家通孝經論語及涉畧史傳年十九歸熊本字萬初若
奉舅甚姑王氏甚執婦道萬初嗜學夫人不欲煩以事
得用志不分卓爲經師生三子鼎渙晉鼎僅五歲夫人
皆自教督及就外傳儼然若成人鼎渙嘗治進士業讀
書母至雖號夫人索其文閱之曰渙才敏而文浮鼎宜
充貢己而果然萬初下帷講授過從者皆一時俊英夫
人間其談辨則曰某也純某也健某也壽某也凶短折
後驗之無毫髮爽遇令節日夫人出坐高堂群子姓次
第奉觴上壽邦人榮之會僞漢兵起延蔓至郡夫人遭
疾匿西階空室時于壞壁見其屠戮之慘而終無人入
室者俄而兵退遷安寧鄉鄉民大亂將掠萬初鼎嘆曰

今殆不可免忽賊衆相謂曰聞熊母賢且病吾寧他適不忍悲之也卒免於難僞漢僭號遣使徵鼎夫人曰是虜狂悖其欺可立待也元閩省守臣章完者以書招鼎夫人曰元運已去不可救藥矣於是皆辭及上定都建業遣鄧愈取江西聘鼎從事軍中夫人喜曰聞江表有真主與此誠可依也鼎自是顯于時其明炳幾先類如此載朝野紀畧

明

鄧氏名柔玉章宗厚妻婚再期紅巾賊起宗厚死鄧舉目無親往依父家踰數月于惠生稍長攜歸故里以女紅資生洪武末事聞旌表

殷氏兄敬妻年二十夫凶守節享年六十旌表

陳氏李芳妻章氏單球妻張氏徐琦妻黃氏車進四妻獨氏黃鳳七妻甘氏徐光武妻艾氏謝蕃清妻俱洪武間守節未及旌表者

陳氏徐元程妻奉旨旌表

劉氏名順慶饒伯振妻元國史院編修吉水劉楚奇之女夫没于亂兵劉年二十餘撫二女不易節延師督課

徐氏瑞貞支得誠妻年二十二夫凶終養寡姑教育二子
丁氏名太真韓伯振妻夫凶年二十八甘貧字孤壽七十
俱永樂二年旌表

饒氏縣名家女歸吳文正曾孫彥純生子二權三歲歎甫

八月彥凶饒時二十四日以先世勉勵其子後繼舉明
經煥舉茂才大學士楊士奇有慈節贊

妻氏趙伯達妻年二十五夫凶守節 黎氏吳彥昇妻年
二十一守節康齋爲立傳 鄧氏吳伯詠妻年二十喪
夫砥節訓孤俱永樂四年旌表

胡氏仲書韞同文妻同文卒於京胡氏扶柩歸葬越數月
子大年生家貧躬親紡績延師課子後大年以文學爲
時推重皆母之力正統三年旌表

胡氏生員曾自光妻二十守節明成化十一年奉旨建坊
旌表

于氏洪究九妻歸於洪甫六月究死家貴州白泥長官司
是年歿于氏守節撫遺腹子攀六娶婦劉氏攀六中天
劉亦青年矢志時有劉琴山作重貞傳紀其事里中學
者附以詩歌曰雙節卷生明成化壬寅卒嘉靖戊申載
洪氏家譜

雙烈曾氏袁溶妻黃氏袁湜妻明嘉靖辛酉八月十三日
流賊入縣南境劫掠人民二婦義不受污賊劫之行遇
深池赴水死賊去得其屍面如生妯娌攜手不解府縣
以其事聞朝廷給銀六十兩建坊旌表額曰雙烈坊聯
曰妯娌捐生貞烈一心昭日月朝廷旌表芳名千古振
綱常知縣游日章爲省祭袁溶妻曾氏民人袁湜妻黃
氏立又手書雙烈扁額於其家

徐氏玉容知書明大義適蟾源張煒年二十夫亡服闋託言謁華山志在死節作書先遣婢歸與姑承訣遂向紫元洞墜崖而死顏色如生經月不變胡先覺傳其事萬曆元年癸酉建坊旌表題曰張煒妻徐氏貞烈坊

葉氏方希軾妻年二十夫卒葉奉姑孝子昇以明經官訓導景泰中旌表

許氏進士許同書女適宜黃李時傑年十九守節天順六年旌表

饒氏鄧鼎安妻年二十四夫死守節成化初旌表

徐氏周繼聲妻 胡氏甘自光妻俱夫亡守志弘治元年旌表

李氏胥廷倫妻胥氏李小姑也俱年七七正德壬申盜起突至其里二女從後門出走群盜追之至舍傍湖畔二女相攜投湖死

楊氏王嘉兆妻早歲守節事祖姑浣衣滌器出入負荷雖甚穢惡弗辭姑疾亦如之晚歲舅替親爲櫛沐舅死日泣嘆孝婦者三萬曆中建坊

李氏張世澄妻胡氏張希孔妻世澄希孔親叔姪也皆至孝早世李氏胡氏並守節不二省方使至式其閭

鮑氏進士任良貴妻年十八從夫任蘭谿夫卒撫孤足不越閭夫有同籍者宦于鄉憐其貧而厚助之曰未凶人何用此謝去後流寇猝至伏走林間盛霧忽大作咫尺

臨川縣志 卷之四十七 七
不辨竟得免

周氏陳忠妻正德七年盜起忠率族人與格戰潰走周被驅自投於沼其伯母王氏楊氏孀張氏饒氏王氏及女金玉俱赴水死奉旨旌表一門七烈又有李貫五妻張氏梁元五妻周氏梁伯一妻晏氏俱被執不屈遇害王自二妻何氏王白九妻李氏歐蓋十妻陳氏全式二妻陳氏全式三妻萬氏皆罵賊而死

何氏舉人伍憲中妻聞夫計偕卒于京誓不復生初投河婢救之伺隙復投屋後池中死

李氏贈都御史邱御秀妻夫死子兆麟甫六歲家貧翁姑互老李忍苦守節數十年後麟成進士上節孝狀建坊旌表

趙氏吏部劉世亨妻年二十夭卒守志竟日闔戶世亨富故清白趙氏不愧其夫

傅氏女旬姑許配同里陳邱三將歸而陳子沒姑懇請往吊哭已乃上堂問姑舅姊姁遂有終焉之志夫家不可遣還姑不從却膏沐事舅姑盡孝舅姑沒坐卧一小樓晝夜女紅自贍逾二十年卒陳族歲時祭于祠嘉靖中建坊益藩贈聯云未殞立夫綱千古青天白日蓋棺全女節一爐烈火真金

吳氏易雲衢妻衢死苦節年七十三卒孫占吉邑庠

盧氏屠兒妻舅姑皆老屠以織膏資衣食婦攻苦食糲日

諸肥甘以奉姑舅屠未之知也久之舅姑疾廢婦事之
益至閭里共義之爲言于郡榜曰孝婦盧氏之門

徐氏監生許敏妻通判徐文升女也敏病三年徐躬親湯
藥終始不倦旣卒截髮死守扃戶深居

劉氏危時行妻楊氏時行子世純妻也劉二十而寡楊二
十五而寡世純無子楊立族子爲嗣訂奪群至是時劉
年已老楊嚙指毀面誓死養姑訂奪始息劉壽至九十
楊八十四而終陳九川題其堂曰重貞且爲之記

唐氏饒贊妻生二女夫沒側室衛氏方娠未幾生子季女
謀毒之母驚覺泣下遂訟于官而仇其女未守周公瑛
嘉其節義唐年八十一甯年九十三同以完節見稱

范氏傅燾七妻歸一年而燾死姑憐其少諷之嫁范毀容
誓死終不能奪

喻母周氏年二十夫死守志壽至七十三學使陸之祺顯
其門曰冰霜姱節

邱氏王需妻無嗣早寡富人聞其美謀娶之厚往納幣翁
許焉邱閉戶縊死應雲鸞奏聞旌表

黃氏彭亨妻黃氏李元潔妻黃氏生員詹滾妻楊氏喻詔
妻俱早寡守節建坊旌表

曾氏彭金八妻年二十夫溺水死曾生一女方彌月聞訃
抱女往求屍竟不得曾棄女欲以死從家人驚救屍忽
浮出及服闋兄逼令改適曾碎一器誓曰此器完則嫁

引刀斷髮兄止以守節終

徐氏許字同邑吳秉壽未婚秉壽卒徐聞訃固請于父母往哭其家遂誓死不返守節奉姑撫姪爲後嘉靖九年建坊旌表年六十餘終

陳氏黃廷賓妻御史紀之子婦也事姑孝姑卒于京同樞南歸陳哭屢絕夢見姑曰玉河吾與汝相遇也及天津登舟聞舟人水名對以天津玉河陳卽赴河死天津萬艘聞者哀之爲立孝婦祠

劉氏傳道匡妻劉同亨女父病隳絕粒五日女割股食之病卽愈人以爲至孝所感

湯氏吳重佐妻夫凶撫女守節女嫁湯曰縊死

劉氏徐承恩母年十九而寡守節歷八十六年旌表

邵氏上元人適邑庠范宗儲年二十一歸卒邵甘苦守志教子成立後幼子應蛟任江夏丞巡按張嘉旌之

姜氏周士禎妻士禎幼失怙母撫孤孀居士正長娶姜氏生子甫週而卒姑婦相依各以節終

湯氏曾全妻年二十夫凶守節夫叔細史曾佩銘其墓

張氏管建中妻年二十五建中死姑老子天衢甫六歲父以張年少諷使再適張曰有姑當事有子當教兒屬所生奈何誨以禽行勤女紅以事姑延師課子後天衢領己酉鄉薦第二卒無喜色壽七十三卒建坊旌表

余氏小字瑞玉明經余秉忠女歸吳世龍世龍就舉業不

利入太學授江都丞未幾卒于官余年廿五家日落夙
夜織紉自植園蔬供膳以奉其太姑及姑訓子帝簡課
督甚嚴兩姑卒親營墳墓有白鳥來巢之異郡邑上其
事巡方徐公養心旌其家曰節孝雙成帝簡亦著聲郡
庠雅尚高節

陳氏熊秉謙妻早寡撫孤守節性至孝姑病侍疾三年不
怠姑年踰九十卒時當事欲以節孝請旌陳急止之曰
此吾分內事也若以求名吾豈欲乎孫經戊辰成進士
疏請旌表

王氏徐克仁妻歸三載克仁卒一子泮揚在襁保矢志不
二却膏沐孝養舅姑一日歸寧母微誤其改適卽拂衣
歸終身不入王氏之門其後孫枝繁盛

方氏黃應聘母歸黃三年夫卒誓死守志撫子事姑年至
百歲巡方至爲旌其門

曾氏傅鐘妻年二十四而寡撫三子守節終身年九十有
七

陳氏任河南彰德通判幽女九川之從妹也適金谿監生
徐元程元程歿無子撫姪爲嗣舅姑與夫三喪在堂進
食如生子長有室卽營葬三喪葬畢曰吾乃今可以見
吾夫矣

晉氏曾益幼女節推徐景行仲勳十五歸徐敬承婦道乙
酉避居母家爲兵所執強逼之不從初截其髮再斷其

左臂憤罵益甚衆怒縛置葦間裂體剖腹而死

孝婦甘氏饒華國妻萬曆中歸華國食貧無怨事傭姑如
母一日華國遠出直姑病劇思籍肝氏計無所出禱天
割肝以進姑尋愈事聞旌其門曰割肝療姑有割肝靈
刻版垂成而廢當割肝時氏昏暈徑死有金甲者掖之
乃甦肝從左脇出刀痕宛然黃面骨立族母傳宜人每
爲嘆息泣下華國繇臨川徙介岡崇禎辛巳夫婦相繼
卒無子扁在上保廟康熙丙寅進賢饒宇樸聞無州謬
志因敘其事追賦一詩寄志局詩云歷歷開元欲話
烏頭綽楔舊曾看但言子職能刳股不道人生有割肝
苦孝自應神助力血誠贏得母加餐刀痕已化傳可發
長記慈闈莫不乾

本朝

管氏豐城人配臨川御史劉達封孺人幼孤且貧有姑適
北澤甘姓育而教之管父識達於童子因以女字既歸
饗餐不給解衣飾佐生夜勤女紅伴讀庚午達領鄉薦
第一甲戌成進士令寶應擢御史按廣東未幾闕寇踞
撫迭揭家依剗江之引陂除日花馬兵突至管被執倉
罵曰我命婦恨無力磔汝甘受辱乎衆怒殺之寸身而
死子年十五并殉帥廉知爲臨川僑居者甚悔達痛婦
子俱亾不越月亦卒

鄧氏 陳廣五妻年十九夫亾無子矢志靡他順治甲

申山寇圍劫掠匿屋後高明樓寇逼近遂投樓下藕池
中死三日屍浮水面家人收而葬之

常氏周文甫妻明末避兵靈山兵至不甘辱棄抱孩躍井
死越四日起之面目如生夫感義誓不再娶子三有孝
行孫紹武因 病留岐黃後任醫學語及祖母輒號泣
陳氏庠生羅璟妻進士其彥姊也璟暮歸遇虎驚仆田中
從者坡之抵家暗不能言狂戰數日而死陳出百金招
善獵者索之果得其虎殺之柩前祭其夫時以爲至情
所感苦節自守壽至八十三卒

某氏婦乙酉夏兵卒撫次日衆于南市天符廟側見刃死
一婦疑年約二十美姿當盛夏裏服皆三四襲上下以
針線密縫衣口無罅可解蓋預防見執而誓以必死者
衆哀棺殮之不知名氏傳大常雲岑作歌以傳之

黃氏臨川黃卷女適李應第年二十八而寡植節撫孤孝
養翁姑喪葬盡禮皆出十指所辦順治丙戌丁亥兩歲
大祿米至斗千錢期功親屬鬻田宅殆盡黃令子花析
已宅居之花領丁酉鄉薦後改名仙客黃訓之極嚴至
是小有過差猶杖責之不少貸雖老尚躬操作子止之
則曰汝家故貧賤也吾習於勤久矣敢改後人之惰乎
壽七十有三終孫茹曼登康熙癸巳進士雍正元年以
中舍人移封歸太孀人

樂氏孝廉樂徽聲女孫邑庠大薦女戊子壬寇作女爲賊

執強之去乃堅抱一柳樹不行拽之不能動賊大怒奮
力用利刀砍之頭與木俱斷兩手尚抱柳樹其尸不仆
同時李長玉武舉李士益女遇賊不從投池而死其母
楊先是割股救姑邑侯張拱端旌以孝婦烈媛建坊旌
表

袁氏增廣生王立儒妻儒早卒袁年二十餘堅守苦節撫
遺孤奕京成立康熙二十七年建坊旌表

王氏孝廉許晉妻時王得仁叛黨號楊先鋒肆掠郡東南
王偕叔妯徐氏避兵渡江猝遇寇江許爲所掠王奮罵
曰吾名家婦豈受辱乎賊揮刀斷臂死徐亦赴江水死
孝廉黃恢宏作烈女傳晉年四十感妻死終身不娶歲

時請墓哭之

艾氏東鄉舉人廷選女適劉御史達于日亮婚兩月值金
聲桓王得仁之亂日亮送母管避兵北澤中途被掠母
子俱死艾年方十六矢志靡他後十餘年有與日亮同
時被掠者冒爲日亮脫歸云未曾死舉家驚異其年與
貌俱相彷彿獨面多痘孔以日亮當時尚未出痘謂其
本色爲痘所壞衆遂信之莫辨其僞艾獨嚴拒不許入
內乃以曩日聞中數事問之其人支離莫對艾叱家人
縛之將送縣官窮治其人叩頭乞命具吐其實果族子
某也衆愈欽服族以日亮從祖兄日盛爲其翁後艾以
盛子汝增爲嗣教之成立壽八十八終

易氏白樓應昌女歸司理徐僖子世德世德早卒易年二十四子元功方三歲矢志守節夫叔姑四人皆幼易兼撫之既而相繼皆歿前後凡七舉喪惟存遺孤元功過兵至猶以書篋自隨曰吾以延徐宗者此孤兒吾以成孤兒者此書篋也年八十卒

何氏庠生李從宜母年廿一孀居撫孤又余氏庠生陳鍾鳴妻年十九夫卒誓志守節立繼承祀有司俱旌其門劉氏副使陳鍾盛副室年十九夫亡無子女就養嫡子誓死守志終身未聞笑語每寒食必躬親掃奠悲號旦夕鄉里皆高其節

劉氏陳鍾盛長子庠生觀潮妻明御史達從女年十八夫亡遺孤廷峻年一宦業中喪其父堅守紡績爲課子計經寒暑不輟年七十八赴梓辭生孫之憂極郡庠

繆氏陳鍾盛三子原生妻林氏觀漢副室崇仁女年二十八觀漢殉難遺孀氏此婦志痛不欲生始以子幼勸止之後姑亡哀毀盡體脫髮爲髮纏一疋甘茹苦楚署不就獨家居課其子自苦辛年七十二子赴槐廷相以學行舉鄉飲延斌郡庠生

戴氏張心泉妻善執婦道勤恪有常度心泉卒戴敬事舅姑教三子以義方後孟仲大有文名季成進士年七十

六終

王氏貢生樂隱聲妻乙卯被一寇執欲污之罵不絕口執

至途中被極刑屠腸而死

過氏郡庠趙時所妻年二十而寡訓子天祐孫之翰成立

揭蒿菴幼失恃依外家過氏無育後成進士迺養於家

年過八十二矣沒爲服齊哀以報且誌墓

游氏進士游東昇姊適逸士楊名譽年二十五名譽卒家

貧苦節養姑教子孝慈俱至子仍度以明經任九江德

化訓導孫媳周氏光印妻杜氏光聯妻左氏光及妻皆

年少苦守族黨共稱其節

傅氏郡庠奕慶女適本邑王某康熙甲寅兵至被執行半

里至秋塘樹下有深池仰投水死時年十八也母家收

而葬之近望周師山

黃氏黃廷臣妻廷臣爲陳州判有患政歸里後設義館義

田藥施賑甚許內助力居子六俱諸生幼華賜丁卯副

榜母享年百歲建坊旌表

曾氏傳南湖妻南湖有雋才早卒曾年二十一孀絕數四

因季子生纔三月嘆曰吾不可死乃含淚撫育雖日不

舉火倚戶鍼繡後三子長稍能自給母家有欲奪其志

者曾曰餓死不可失節況今已不餓耶年九十七終

李氏鄧象吾妻年二十八夫卒子文秀幼家貧苦守養姑

盡孝國初寇難奉姑及子出深谷採草根食子長延

師教課日後嗣不墮書香乃可見吾夫於地下年七十

正終

江氏新城舉人上珍姊池庠生李閻槐年二十三寸志奉姑撫二幼子昌夕自方以衣以食至老足未出戶笑未啓齒身才服綵色之衣壽七十餘終于延樹延梓能世父業孫饒父領此突卯 恩科鄉薦

吳氏蓬山年二十五夫死守節課子年六十八
周氏王有成舉人雲門姊年四守節撫遺腹子年九卒
黃氏仙明年而寇發黃奔於郊賊尾急距百步計知不
其終已也深入而死

甲午舉人潘木歲年訓年二
之歸寧首

死

魏氏邑庠翁邦俊妻俊家貧力學早天饒年二十一生男二長三歲幼自口慟欲身殉親族以翁姑老子幼勸之乃忍死守節戊子金蛋和陷撫傍引刀截髮破面損容幸奸攜幼遁山谷得免長媳饒氏節婦姪女年二十四夫匡國學成而殤誓同守志姑病祝天願以身代姑年八十三卒媳年七十卒

管氏贈翰林院庶吉士晁昂妻翰林院編修管愷妹昂卒三子俱幼翁姑相繼沒管持三喪葬祭盡禮課子口授經書日夕繩督子子管翰林院庶吉士子靖吉水教諭子宣庠生

陳氏黃貽遠妻年二十六夫卒事姑養葬盡禮子球年五歲勉之讀父書補弟子員學使李公旌之

鍾氏儒士周道興妻年二十二道興卒子二長六歲次四鍾姪婦鄧氏周敬初妻年二十六敬初卒子二長十歲幼八歲志切撫孤與叔姑鍾氏朝夕泣對計昌周後年七十七卒鍾姪孫婦黃氏周和甫妻年二十四和甫卒子一僅七歲痛不欲生鍾勸之曰妻道死非難撫孤成立爲難黃泣謝步趨鍾終身無間言年七十五卒鍾重姪孫婦鄒氏周景萬妻萬小學以瘵疾死鄒念翁姑年俱七旬以上子一年方七歲誓死守節丁亥歲饑隣

有妻婦幾易箠日給餐俾無他志後婦備稱其德年七十三終

某氏鄒磨錫妻賊掠不食而斃乃厝墜坑中死

危氏洪氏邑庠張應麟妻與辛危無子年二十八洪子二時年二十四相約死守井至戚不謀而歲饑節食食隣里紡績贏餘買棺以給道死者曰古爲張門集福耳危年七十洪年七十二卒長子勳邑庠生幼奕星業儒李氏侍講來泰女適郡庠游岱興年三十岱興卒李守志教三孤皆能成立壽至七十六卒

某氏熊立回妻甲寅閏寇作氏懼汚跳印山池水死同時徐氏黃嶽十妻投古井死徐氏熊軒一妻被劫跳入

迴龍岡前池中死見夢于夫求之果得其屍

傅氏傅占衡女適金邑黃獅渡邑廩生黃春轅一子一女
大兵至恐辱母女二人同赴水死

郭氏黃希倫妻甲寅之亂被賊掠行里許緝之固無執我

我能行矣遂碎跳深池以死後求屍又得一婦抱孩

先沉此矣同時有 鶴塘揭徐氏被賊追及投院前橋

水死 徐邱氏攜女同投水死長寧一鄉池塘中多有

少婦屍不知姓名

葉氏周長壽妻年十九夫卒越數月生子延禮母家欲命

他適堅拒不從忍苦撫孤年八十卒

羅氏袁止吉妻年二十二守節 左氏袁却私妻年二十

守節 首學董公郡守任公俱給扁旌其門 聶氏袁

孀妻婚二載夫客死于楚盡年二十六盡鬻家產奔

喪以歸與左氏先後同守苦節邑令王嘉錫旌其門

陸氏袁介眉妻年二十夫亡家貧如洗陸勤女紅以奉

老姑苦節篤孝人無間言吳荆山學士給以一門四節

扁額

楊氏李曰淑妻年三十四夫亡子甫三月楊矢志撫孤會

甲寅兵變土寇肆掠楊毀容垢面抱子轉徙卒免千難

亂定勤儉教子年六十餘終

錢氏陳廷碓妻姑謝太安人素多疾錢供躬侍湯藥朝夕

不怠年二十一夫卒遺孤自爛甫週計貧守志夫兄廷

桂官楚迎其母子就養諸凡綠色服飾謝不忍御每逢
忌日引子瞻拜遺容且泣且教卒年六十五自燭妻吳
氏年三十守節今五十一

王氏陳淑潘妻年十八生一子士韶僅二歲夫覆舟溺死
王氏欲自殺以殉從婦救止始立石湮次觀者莫解後
發死子長忽夜半至立石處投河而死鄉人烈之

林氏徐營姑妻年二十五夫卒子重芳幼舅姑以林年少
命改適林誓志死守孝養益篤子長督勉就學郡守任
士理獎曰松筠栢節卒年八十二

黃氏周元五妻歸牛載夫賈滇南卒黃聞慟絕因男產甫
一月懼斬周祀忍死守志值年頻饑採薇自活奉姑必
嘗姑死喪葬盡禮郡守閻公扁曰節壽高標卒年九十

五

周氏余憲章妻年十九夫卒子文秀僅半週守志不二紡
績以贍養翁姑喪葬無缺禮年四十七而終

鄒氏李德榮妻年二十八守志至六十二終

祝氏庠生祝秀女同知蕭漢英子庠生文選妻選早世撫
孤守志艱苦備歷性至孝事庶姑無失禮尤樂施濟遇
困乏者不惜質產助之卒年五十一子愷庠生

許氏庠生王景輝妻年二十夫以苦志教子左通政魯公
瑗旌其門卒年七十子世豐庠生

董氏曾球妻矢節教子以壽終

李氏萬育瑞妻夫卒無嗣撫姪守節年九十六終

某氏謝雲衢妻又四世孫體仁妻楊氏並年少夫亾甘苦守節而終

湯氏孝廉湯孫緒左實慶府推官邱振翼孫瓊玉妻守節五十餘年年七十卒邑侯李旌曰名門令女

饒氏陳鉞四妻年十八夫死生遺腹子甘貧守志孝事翁姑訓好立今年八十餘

黃氏姜少臺妻少穎慧有志操讀孝經女誡小學諸書輒過目不忘年十八歸于少臺相敬如賓少臺素孱弱苦學不輟遂至危疾氏日夜祝天願以身代少臺卒氏年二十二守節終身舉人饒象謙爲之傳

陳氏明舉人吳助國妻二十二守節順治戊子金王之亂陳氏遁潛途遇寇偪撞石而死時年二十六

左氏許職昇妻順治戊子金王之亂爲賊兵所掠義不受辱爲賊亂槍所殺

游氏順治辛卯舉人游爲龍之女也適邱夜爲劫盜所逼義不受辱墜樓而死

吳氏會堯煥妻歸四載夫歿氏年纔十九無所出殯葬後欲以身從家人力爲防閑多方勸解乃得不死甲寅寇變鄉賊執其翁橫加拷索氏呼號蔽護身受捶楚賊怒舉刃相向氏乃引刀自斃腕肉擲之賊感動引去翁得免于難享年八十五提學莫霖獎曰節孝可風

嚴氏黃仲登妻二十七守節繼姪傑遠爲嗣雍正己酉府學教授鄧牧獎曰勁節凌霜享年六十有六

袁氏洪奕六妻奕六幼病療瘳形體羸德氏歸執禮甚恭調護委曲家長嘆其賢二十九奕六歿守節不二撫遺孤生一孫而子死媳徐氏二十四守節奕六從弟洪宏十六妻亦袁氏二十八守節袁與袁從姑也其在家從孀也同時守志鄉里重焉

朱氏龔益重妻幼習禮義父母愛重逾于男子一日家失火母倉卒走出遺幼子在牀火將閉門母號眺而已朱衝火抱弟出氣塞胸幾死朱惟一弟得延嗣續實賴其力其激烈赴義蓋天性也年二十八益仲歿守貞不二孀寡已子女及益仲兄祥伯子女已而子姪暨于姪婦相繼死以長姪孫彥英繼子次達後未幾又死以姪曾孫疎繼彥英後家世三絕竭力維持享年七十有五

劉氏陸賢賓妻二十九守節享年六十有八賢賓弟陸季臣妻鄒氏二十八守節享年七十有八知縣王繼翰獎曰共矢栢舟

王氏黃羽玉妻二十六守節享年

伍氏郡庠生陳鴻圖妻二十守節享年八十

李氏周元鼎妻事老姑盡孝朝夕焚香祝天祈增姑壽十

八守節享年

黃氏游彬玉妻二十八守節享年七十有八

鄧氏邱敬坤妻十九守節享年六十餘

徐氏黃五玉妻二十八守節享年八十六

吳氏張政五九妻甲申之亂遇賊掠之上馬吳氏自投撞石破面罵不絕口賊揮刀斷之爲三

黃氏陳紹先妻瀘州判陳吉相孫婦吉相長子夫婦先喪

孫紹先復早逝氏年二十四一子方襁褓守貞不二事

太翁吉相盡孝吉相病篤湯藥罔效氏叩天割股和肉糜以進吉相病頓愈復延壽三載知府羅復晉獎曰節

孝可風

孔氏邑庠王千秋妻二十九守節卒年五十一

周氏錢佐臣妻二十六守節夫節損容足不出戶雖內賊

不相見事舅姑孝享年七十二

鄭氏江遂謨妻前御史鄭秀恆女生員鄭晉光女遂謨年十九早歿氏守志不二遂謨素豐財好義後日衰落死

喪頻仍一子欽傳繼亾鄭刻厲益堅四十餘年如一日

撫姪枚遠恩義尤篤

黃氏喻寅亮妻二十守節雍正二年知府任士理獎曰松

栢凌霜享年七十一

劉氏黃繼隆妻二十三繼隆沒一子隨歿繼隆弟繼盛夫

婦復相繼亡劉撫其姪如已出家貧翁黃璵年老氏視

膳問安每夜必烹茶數次或溫酒以待翁壽享百歲劉

氏孝養所致也

劉氏適郡庠徐石麟甫一月石麟歿守志不二終身惡衣
疏食不聽聲樂年逾六旬而逝

吳氏生員張宏妻明進士張世溶媳二十守節撫姪爲
嗣

雙氏蕭叔正妻二十三守節享年七十五知縣王嘉錫

曰壺範凝祥知府任士理獎曰天壽堅貞

孔氏楊尙達妻二十四守節一子早歿堅志不易年八十

餘卒督學李鍾儔獎曰冰節播芳

錢氏婁應麟妻舉人妻在田祖母二十七守節無苟笑愉

言足不履親戚門闕知縣王維翰獎曰守貞介壽督學

沈翼機獎曰慈節可師享年九十七氏治家肅穆子端

化之孫媳饒氏邑庠拔岱妻鄒氏在田妻值錢病更亂

以奉曾孫文颺早喪妻會氏年二十五守志一門賢節

鄉里欽焉

饒氏生員李邦翰妻二十八守節至五十八而逝康熙乙

酉知縣王維翰獎曰節孝楷模

龔氏饒一鑑妻二十六守節享年七十有八

楊氏謝體仁妻二十五守節家貧紡績爲生養姑課子年

四十九而逝

田氏湯象謙妻二十八守節享年八十八

五節婦姜氏許麟樑妻二十守節徐氏許龍仁妻鄧氏許

麟裕妻俱二十四守節楊氏許龍興妻二十一守節徐

氏許龍驥妻年二十七守節督學沈翼機獎曰栢舟並
操侍郎李紱合爲五節婦傳

龔氏邨鍾昂妻二十八守節知縣李天植獎曰賢節並隆
知府張伯琮獎曰芳貞範世享年八十龔季子濱娶徐
氏甫三月濱歿年方十九遺腹產一女傷慟不欲生相
繼而逝

徐氏陳孝逸妻二十八夫歿宗人有覬其產者百計奪其
志氏守貞不二養姑訓子繼喪亂顛沛巖峻防閑無幾
微解怠知縣趙之弼獎曰節孝克全督學魚鸞翔獎曰
翠栢彌榮享年九十一孫諸生之蘭爲文有聲

饒氏王有德妻有總病廢五年氏常終夜不寢奉事無懈
及死八年二十一守志不二一女適湯來斑二十來斑
死氏帥其女紡績自給訓外孫三德爲學享年八十二
謝氏劉賢賓妻二十喪夫無子守節五十餘年至七十二
逝諸生劉觀溶輓詩有共姜矢死心懷備令女無副力
守曹之句

陳氏王榮妾二十七守節享年九十五知縣陶廷燁獎曰
節壽雙高陳孫家屏妻劉氏年二十六守節享年亦六
十餘

周氏錢炳文妻二十四守節享年六十三
游氏鄧天祿妻二十守節享年四十五

張氏王聯升妻年二十守節事姑孝持身以禮防閑峻肅

不苟言笑知府羅復晉獎曰壺範孔昭卒時年六十有餘

游氏龔益宏妻舉人游爲龍女婚五載益宏死守節素食終身繼姪爲嗣享年七十一

游氏龔西輝妻歲貢游應科女二十五守節子在賦妻歲貢游裕女游氏姪也二十四在賦死事孀姑盡孝年四十有三先姑而逝氣將絕惟以老姑冷暖爲言聞者莫不感泣

吳氏李國祥妻二十五守節知府任士理獎曰西崑繼志督學姚世榮獎曰霜清相茂

婁氏徐一元妻二十五守節至三十九歲

晉氏黃世燧妻二十一守節足不出戶隣族雖喪婚不一至繼姪洪比爲嗣

蘇氏黃李祺妻二十六守節至六十八

王氏吳省七妻十七守節享年七十七

黃氏吳籠七妻二十八守節孝事翁姑享年八十

徐氏吳奭三妻年二十四守節享年八十八

左氏吳颺十九妻年二十九守節終

朱氏吳燭二妻年二十五守節終

陳氏吳湧一妻年二十一守節終

張氏吳藹瑞妻年二十守節終

何氏吳君弼妻年二十二守節終

高川縣志 卷之四 列女

烈婦吳氏吳引六妻爲流賊所掠義不受辱死

龔氏張和玉妻二十守節母與姑憐之令改嫁氏痛哭至

夜欲經因幼子哭復忍居嘗漏戶人罕見其面享年七

十八

晁氏李情妻進士晁子管女二十七守節享年四十二

黃氏李迪妻十九守節里中失火延及其室氏抱子哭拜

風及火息人以爲貞節所感壽至九十四

孫氏鄧元生妻二十四守節享年六十三

彭氏吳簡伯妻二十五守節至四十九年死士民重之呈

於官知縣李廷友獎曰節孝流芳

饒氏周綺章妻粵人饒文極姪女綺章病氏奉詩湯藥達

一不寐祝天祈以身代並剝股肉痛幾絕踰年綺章死

氏纔十九成血疾姑憫其過哀屢寬慰夢神授丸藥服

之疾乃愈奉姑十年盡孝敬姑死後或有微諷其改適

者氏大慟血疾復發遂相繼死時年二十九

黃氏劉國吉妻貢生劉懷瑜祖母也年二十四國吉死撫

孤子元任甲申之亂避兵母家下村李姓一日賊至衆

各鳥獸散不能相顧黃遽匿穉叢中衣襟稍露爲賊所

見氏恐辱身舉石塊奮擊之傷賊面賊怒送遇害肩背

皆斷

湯氏邱瓊玉妻前崇禎己卯舉人湯孫緒女二十一守節

孝翁姑和姊姒翁姑憐其寡命無饋食氏奉養愈加知

姑

縣李天楨獎曰名門令女壽七十五

許氏節覺先妻二十七守節奉舅姑孝敬今六十九每時節拜祀舅姑及夫猶泣下霑襟

章氏郡庠生章傑女邑庠生縉世玉妻姑病醫藥罔效民割股以奉姑姑病尋愈壽七十餘年先姑逝

陳氏縣諸生曾文傑妻二十守節奉舅姑孝敬姑病割股族人欽之

李氏孔衍琮妻衍琮孝義奔父柩勞瘁成疾體夫志奉養老姑性多癖能曲意承順數十載無違言

鄭氏黃安堂妻二十守節翁姑父母強之立誓不從至八十二而逝

氏適王避亂母家爲賊所執不屈死

章氏傅如師妻忠諫公子婦侍郎章光岳女也二十五守節享年六十五

阮氏黎瑞廷妻二十三守節享年八十知縣王嘉錫獎曰節操松筠

江氏縣諸生孔尚節妻尚節投左良玉麾下爲裨將鎮防池州崇禎十七年間北京陷遂棄官江氏年未四十爲賊所掠欲汙之指罵不屈賊怒斷其脰置愈甚賊尸解之而去

劉氏孔衍璋妻前明吏部劉世享孫女順治乙酉金王之亂隨夫避于湖頭俱爲賊所執劉氏自度兩命難全乞

釋夫命夫釋教其速逃曰妻死猶可再娶無念我夫不
忍去涕泣不休賊怒而殺之劉氏奮身投湖而死三日
而尸不浮及覓其踪沒泥深尺餘

艾氏孔衍琳妻東鄉艾千子先生孫女二十九守節與衍
琳兄衍瑜妻余氏共事老翁盡孝徵

樂氏揭河一妻甲申之亂避兵高坪爲土寇所掠躍入池
中賊投石碎其腦池水盡赤時年十九河一繼室子奇
生妻徐氏甲寅之亂爲騎兵所掠與乳母傅氏之女同
置馬上驅之西去前望有危橋徐密謂傅曰吾與若得
死所矣遂墮水死傅女從之徐年二十二傅年十八
全氏龔恢祖妻二十五守節享年七十九

羅氏左叔文妻二十二守節族人左司諫爲作節孝傳載
於徐集中年七十叔文孫德驥妻熊氏二十七守節年
五十九

饒氏邵斌三妻家極貧夫歿氏年二十三或勸令改適氏
應曰餓死事小失節事大况死生有命命當餓死他適
庸可免乎矢志終身不二享年六十九

劉氏宗曾道李九皐媳邵武副將吉奇妻二十六守節享
年九十三

朱氏徐望十妻二十四守節享年六十七

傅氏羅士瑛妻十九守節家饑朔親惟有八十老翁事之
甚謹翁卒典衣營葬享年六十一

陳氏鄭蓋培之妻二十一守節享年四十六

吳氏明大學士吳通南孫女十五歸勅贈文林郎曾若赤

娘王氏性極嚴氏事之惟謹姑病嘗刲股以救康熙丁

亥之春歲大饑設粥于四門活民無算三十守節以次

子宿松知縣釐貴勅贈孺人享年七十有八

吳氏袁名榮妻年十九守節

王氏徐鴻言妻二十六守節享年七十二

官氏王廷奎妻二十八守節享年六十二

鄭氏太學生許宇猷妻姑鄭氏購危疾醫藥不痊氏刲股

以救三日姑疾愈

謝氏傳近文之妻永嫁而近文以暴疾歿氏纔十九卽毀

粧持服欲登門視含殮父母阻之未幾姑又歿哀服奔

喪父母阻之不得至哭奠如禮遂不復歸事翁極孝嗣

以疾終

支氏胡璠妻二十二守節孀居勤紡績雖至戚罕覩其面

提學沈翼機獎曰青閭完節

湯氏周洙二妻孝事翁姑姑疾嘗刲股以救二十七守節

享年七十六

周氏葉喜生妻年十六歸喜生甫一載喜生歿周氏守志

不二事太姑封氏盡孝太姑年七十餘患癰八年不離

床褥穢惡之氣達于堂戶人不敢近周氏同卧起日夜

調護歷久不怠乾隆四年知縣李公廷友獎曰苦節可

貞詹事李公紱獎曰盡節可風年四十四而歿立姪燦
廷爲後

余氏支會明側室也嫡傅氏生子士忠早卒會明娶余氏
生子錫侯年二十四會明卒余氏守志撫孤年七十三
卒錫侯中康熙丙午鄉試士忠妻程氏年二十三守節
年六十九卒葬士忠墓側穿穴時士忠墓忽陷得合葬
焉人以爲貞節有靈黃石麟爲作列女傳

周氏邑庠龔吳儒妻二十五守節今五十二

王氏太學生吳鍾岳妻二十五守節今五十二

汪氏吳啓五妻二十二守節今八十三啓五次子文昇妻

江氏十九守節今五十一

陳氏宋時茂妻二十二守節今九十餘

杜氏傅扶萬妻二十四守節今七十餘

符氏郡庠生陳垣妻二十八守節今五十六

李氏太學生曾秀章妻十九守節今六十二

楊氏周有仲妻十八守節今五十四

李氏吳元發妻二十七守節今六十五

王氏傅先民妻二十五守節今七十餘

李氏傅而謙妻二十三守節今六十六

許氏鍾信登妻十九守節今四十九

饒氏楊秉禮妻二十一守節今六十五

黃氏車君作妻嘗刲股救親病二十守節享年八十子徵

麟妻羊氏二十一守節今六十

馬氏范宗遠妻二十三夫歿僅生一女無一姑憫之勸令

改適氏剪髮自矢今五十二

詹氏王孟麟妻二十六守節今七十一

章氏彭紹璉妻二十二守節今八十

傅氏彭成玉妻二十四守節今六十

萬氏余俊人妻二十夫歿無子兄憫其苦欲奪改適氏厲

聲應曰予生爲余氏婦死爲余氏鬼予之所以不從吾

夫於地下者徒以姑老無人奉事也兄言是速吾死耳

語罷大恸其兄愧謝去今六十

羅氏吳宗及妻二十七夫歿或勸改適氏誓終此之曰吾

矢吾夫吾守吾子吾命雖蹇吾志不可易也今六十三

席氏銳球石妻二十七守節今六十

王氏曾崇妻二十七崇歿姑楊氏年七十餘哀獨子喪得

瘵疾不能動止氏奉侍湯藥朝夕無倦容越三年而姑

亡氏葬祭盡禮撫二子成立今五十

孔氏郡庠生曾山妻舉人于洋母二十九夫歿矢志不二

事姑黃氏一十餘年曲盡孝道治家謹嚴慈惠而莊有

勸其奉經作佛事者則應之曰我本儒家女不尚異端

譯子甚篤有古賢母風今五十三

陳氏朱亦經妻二十八守節今六十五

章氏方國拱妻二十三守節今六十

臨川縣志 卷之四十七 列女

孝女湯瑞英母張氏生而遂亡父于濱家貧不能續娶并
白之事悉身親之時年尚穉見父勞苦時時泣下及長
代父任事不欲適人父強之則以刀剔一目誓誓死終
養族人憫之咸謀爲潢再娶生一男而繼母又亡瑞英
復以撫孤自任今五十四

龔氏邱殿颺妻十八守節今六十三

許氏張支英妻二十七守節今六十三清江晏斯盛獎曰
清操德教

華氏左夔龍妻二十守節今七十九

熊氏八歲許馮士傑未婚而夫遠出不歸至二十六父母
欲另配不從叠次呈當事遵例批給票仍堅執食糲不

食之隣人有妻憫其苦餽米與承氏婉謝曰嫗雖仁
心然爲子婦無利取不敢受如是者十餘年夫歸完禮
生子一鄉黨異之聞之官知縣李廷友獎曰貞壽芳型
楊氏謝汝新妻二十汝新歿一子甫週氏守志不二撫以
成立奉姑極孝今八十

李氏陳寅序妻西河令李桂芳女年二十一夫歿無嗣孝
事舅姑如夫存日居夫喪旦夕涕泣不敢發聲恐傷姑
心繼姪增孫爲後今年六十餘

游氏貢生羅秉祚妻生員游鴻緒女二十守節秉祚先娶
鄭氏一子興岐游氏撫養教訓視若親生

游氏牛員傅鑑妻明進士游王廷孫女游爲龍女二十三

守節提學吳霖熨曰節孝昌後今八十有一幼孫九成
乾隆乙卯舉人

陳氏熊學瀚妻二十三守節今五十四

周氏五克明妻二十二守節克明弟元明妻高氏二十四
守節今俱五十餘

徐氏楊定妻二十五定死時翁喪未除定幼弟相繼逝姑
媳哭哭無依始憐徐少勸其改適徐泣曰夫既抱終天
之恨不能養母妾復去姑將何靠寧死不忍也身與姑
同卧起奉事二十六年姑死喪葬盡誠盡禮今六十

帥氏名菊英陳廷梧妻諸生帥先慎女廷梧歿氏年二十
遺腹產一女矢志不二孝養太姑和于娣姒繼姪之禮

爲嗣教以義方家庭雍睦今六十五

汪氏徐光世妻邑庠生汪孟來女二十七守節今年七十

二

劉氏徐宿青妻二十八守節今六十三

江氏丁步州妻二十一守節今六十

黎氏吳寧萬妻二十三守節今五十八

楊氏曾漢昭妻二十六守節事翁姑孝敬今六十四

李氏周九鑄妻二十七守節奉老姑孝今五十有六

盛氏徐步月妻十九守節今年七十

徐氏羅正先妻二十五守節今七十四

吳氏右君實妻君實遊學歿于京邱氏年二十二堅志撫

孤今七十一子崇儒以學行聞

李氏洪玉善妻二十八守節今七十二

傅氏何開遠妻二十八守節今六十三

余氏洪鈴二妻二十二守節今五十二

萬氏黃攻玉妻二十五守節今五十六

貞女黃氏幼議婚王朝奇朝奇客滇南死女年方二十朝

前家貧姑又瞽目誓不他適卒歸于王作苦養姑曲盡

孝敬姑死盡哀葬盡禮今年踰五十

許氏邵師旦妻二十二師旦死家貧無子紡績養姑終無

他志今五十八

李氏趙伯象妻二十六伯象死無子守節三十餘年今踰

六十

後氏熊 妻熊晉三母二十七守節今五十七

劉氏饒國用妻二十八守節家貧紡績撫稚子奉老姑今

八十三

楊氏胥皇佐妻二十四無子守節奉姑盡孝日則侍膳夜

則侍寢姑老病床褥汗穢日再澣滌不使人知今六十

有九

孫氏王賢傑妻二十八守節今五十九

徐氏祝奇生妻十八守節今七十二

周氏李春燠妻二十二守節今五十二

李氏謝三岳妻二十七守節今八十三長子鳳翔武生次

去矜縣庠生

許氏生員楊于岐妻二十七守節性矜嚴每鄉族報嘗長幼聚觀氏足不踰戶至老如一日今七十有七

李氏黃益三妻十九守節今八十一

朱氏黃叔賓妻二十三守節識大義教其子四書各經皆

箕口授宗族稱女先生今六十有三

郭氏郭壽予妻二十四守節孝事舅姑舅繼娶姑朱氏無

恙山行痲疾常臥床第氏奉養不衰朱七十以天年終鄉

里以爲難今五十有五

王氏邱文可妻二十四文可歿越期年父母哀其無子密

爲擇配將再嫁氏截束髮以誓永不歸寧奉老姑性嚴

小不如意輒加詈責氏承順終無怨言今六十有三

陸氏朱孟房妻二十四守節孝事舅姑順承怡懌舅姑忘

其子之亡也今五十有五

傅氏樂伯元妻二十五守節事後姑孝督學李鍾僑獎曰

茹雪和丸今六十四

廖氏周恒文妻趙州知州廖偕亨幼女二十四守節終歲

縞素不茹葷腥對妯娌無笑容繼姪秀成爲嗣今八十

一

吳氏許廷先妻二十八守節今六十一

鄭氏熊文玉妻二十六守節撫遺腹子今六十有八

李氏左仙英妻二十四守節今五十一

喻氏李龍文妻年二十四守節今年五十三

鄭氏謝亦侃妻年二十八亦侃歿家計蕭條或勸改適鄭

曰吾餓死不爲禽獸行也今六十一

黃氏萬元輔妻二十五元輔歿弟元佐繼亡其婦改適氏
并撫孤姪無異己子今七十有一

喻氏李龍文妻二十六守節今年五十七

嚴氏鄭宗傳妻武進士鄭愷家婦二十四守節一子中年
死撫姪爲嗣今六十七

胡氏鄭國華妻二十六守節今六十

吳氏鄭振霄妻二十守節今五十三

張氏鄭西燦妻二十三守節今五十九

梁氏許少達妻二十四守節今六十五

湯氏七十五都徐典煜妻二十守節今八十三

馬氏韓尊千妻十八守節一子中歿遺媳余氏撫孤子姑

媳共守馬氏今五十八族並給與餅胾

劉氏傅子彥妻十九守節一子方文早喪復撫幼孫以續

督學王思訓獎曰貞節千秋今七十有五又劉氏傅畿

恭妻二十四守節今五十有六歲恭卽子彥姪二劉皆

出潯溪本宗並獎給餅胾

許氏張穎生妻二十七守節今八十三

王氏楊德昭妻二十七守節其妯娌楊氏楊公俊妻二十六
守節奉翁姑並孝王今七十揭六十餘

袁氏吳良妻二十八守節宮詹李絳旌其門曰松心竹節
知府劉永錫獎曰松筠節操知縣李廷友獎曰貞壽待
旌

章氏黃國英妻二十七守節今六十

王氏鄒亮工妻二十六守節今七十

游氏上官里張翰妻生員游軾女年十六未歸而夫歿氏
告父母往弔許之至謁張氏廨謁翁姑畢然後易服詣
夫靈前奠拜撫棺哀慟幾絕入室居喪痛自毀瘠奉事
舅姑曲盡孝敬撫姪文赴爲嗣知府劉公永錫獎曰寒
香傲雪今年五十

徐氏丁元振妻十九守節撫遺腹夫死五十五未嘗至父

母家

邱氏鄒世榮妻二十六守節今五十五

艾氏黃子英妻二十三守節

龔氏戴日太妻十九守節今七十五

田氏鄒吉生妻貴州威寧把總田子書女二十五守節今
六十八

鄭氏黃遠及妻二十五守節

何氏游耀倫妻二十六守節

熊氏字媁英年十九適鄧叔葵甫一月而叔葵歿氏矢志
不二今六十

許氏李元佐妻二十四守節有鄰婦蠱其再醮氏面叱之

鄰婦懷欲死事姑盡孝課子有成次子夢陽中壬子科
武舉乾隆元年 題請建坊旌表

萬氏唐國祚妻二十五守節繼姪聚龍爲後謹守閨範
不抵戶今七十有二乾隆二年 題請建坊旌表

傅氏生員李大桂妻郡庠傅來範之女二十五守節撫週
歲孤子孝事舅姑四十八載如同一日乾隆二年 題
請建坊旌表

李氏晁子宣妻歲貢李伍英女二十五守節依孀姑紡績
度日授經課子長應鴻幼光壁均列學宮壽七十有二
乾隆三年 題請建坊旌表

徐氏李宗詔妻二十五守節無子繼姪重楫爲嗣與姑
相依夕與姑同寢冬溫夏清孝養備至年六十有七乾
隆三年 題請建坊旌表

韓氏傅舟資妻婚九月而夫歿氏纔十七得遺腹子遂各
繼宗守節不二享年五十有八知縣吳問郊擬曰栢舟
斯在乾隆二年 題請建坊旌表

羅氏生員吳子爵妻二十四守節奉養舅姑二十餘年盡
孝循禮訓三子長光彩康熙辛卯武舉第二名乙未科
武進士享年七十有二乾隆四年 題請建坊旌表

舒氏花紹生妻二十九守節家貧勤紡織以奉舅姑服不
綵課子甚嚴壽登八十乾隆二年 題請建坊旌表

程氏方善予妻二十一守節奉事舅姑極其誠敬一子中

歿守令嚴終無悔意壽至五十有三乾隆二年題
請建坊旌表

舒氏陳元順妻二十七守節老翁在堂逾八十奉養盡孝
撫孤子教以務本一切嫻戚履弔悉謝弗與壽登八十
乾隆三年題請建坊旌表

楊氏陳洪祚妻二十七守節事老姑極謹機杼井臼終身
無間訓子成立壽至六十乾隆四年題請建坊旌表

郭氏邑庠生單秩生妻二十八守節備歷艱辛奉雙姑以
孝訓三子慈而且嚴長必元顯庠幼必第府庠都人士
重之爲詩歌以咏年六十有三現在具詳請旌

黃氏熊少堂妻生二子夫患病奉湯藥每夜禱竈前願以
死代夫歿年二十八終身編素足不踰閭壽至七十有
四現在具詳請旌

丁氏生員李泮妻相敬如賓爓歿撫三子課誦極嚴翁棧
芳以庚午舉人謁選歿於京氏鬻田措銀搬柩歸里與
姑合葬饒氏進賢廩貢零都縣儒學饒然生女爓弟
燕妻與丁孝順無異撫一子未嘗稍事姑息丁二十八
守節今六十三僥二十七守節今六十二現在並詳請
旌

胥氏陳洪範妻年二十六夫故事翁壽至九十有一姑壽
至七十有九撫一子教訓甚嚴茹荼飲冰三十四載現
在具詳請旌

周氏生員必顯女配歲貢晁兌長子作牧末七載夫故願
以身殉翁姑哭勸之曰死節易守節難我二人老矣六
歲孫非爾誰撫遂拭淚勉任家政子于周聘李氏生員
李士雲長女未婚于周喪卽以不二自矢旣吊勺水不
入口周慰之曰我當年亦不欲生所以苟存者爲年老
翁姑在也李遂起而對曰姑教我矣我死則姑無侯姑
痛子死復痛媳死姑必不活於是稍進飲食與姑作伴
姑與媳猶母女焉作牧弟作任妻鄒氏舉人鄒萬備孫
女成婚未六週生一子北燕而作任歿鄒氏撫孤守節
北燕娶李士雲次女生子濬元甫二歲而北燕亡初李
氏之歸北燕也緣士雲隣長女望門守節無可告苦爰
令姊妹爲從妯娌得長相依有子繼後已而又寡嗚呼
其可哀已四氏以各家女爲名家婦共植綱常延晁氏
一綫之脉周氏二十四守節越五十九年今八十二周
媳李氏十六守節越四十四年今六十三鄒氏二十六
守節越五十年今七十五鄒媳李氏二十一守節越三
十二年今五十二俱存殆所謂松栢之質不改柯易葉
者耶所可與者濬元有子于周得孫藐孤不絕或者天
眷貞淑後世其昌未可知也現准儒學造報知縣李廷
友獎其門曰並操聯芳仍具詳請旌

列女補遺

邱氏周士灝妻侍郎邱兆麟女年十八守節卒年六十餘

孝婦周氏舒旭妻莊僖公孫婦奉姑盡孝姑患目醫藥固效周氏舐之而痊姑病篤割股爲湯以進時年十八鄉族稱其孝

諶氏管世羽妻編修愷家婦南昌給諫名臣女年二十六守節卒年七十八子朝相妻曾氏年二十四而朝相卒無子曾氏守志不二卒年五十有二

劉氏熊炤九妻年二十四守節卒年九十知府任公士理獎曰瑶池古雪

一員王自暎妻二十四守節今年五十

一庠生曾翰妻鳳山先生孫婦年二十五守節其長子選妻徐氏年二十守節李氏壽九十餘

黃氏胡主璉妻二十九夫沒志矢柏舟自甘紡績勤儉持家撫三子俱成享壽七十一終

樂氏游祖武妻邑庠星弁之母二十八夫沒矢志不二事姑董氏曲盡孝養二十餘載艱苦備嘗言笑服飾無一

或苟嘗戒諸子云人以名節爲重不得以貧乏故而輕取千人致玷家聲壽五十八

周氏左易寵妻二十夫死孝事翁姑刻苦自厲手擴田產教子娶媳竭力撐持子歿一孫相繼而亡會郡侯唐孝

本修建郡學氏請捐助田八十畝屋二棟爲翁夫暨子資福番名申報部院總督德公沛旌其門曰義風巾幗

黃氏萬子文妻二十一守節參五十一

許氏萬子遠妻十八守節今五十

鄭氏饒邦概妻年二十四守節終身

高氏彭育堯妻年十九守節撫孤子積苦成家年七十而

卒府鎮仇公旌匾曰白首完貞

韓氏江紫雲妻廿四守節事姑孝敬治家勤儉今六十一

陳氏江上達妻二十守節事老姑克盡孝養

周氏李白三妻廿夫歿志矢柏舟自勤紡績撫孤子訓課

篤切享年八十孫如越邑庠生

吳氏許淑芳妻因母喪毀瘠成疾將危吳氏祝天罰股和

糜以進淑芳病頓痊復延一紀

喻氏丁一蘊妻明副榜中立孫女二十九守節今六十

臨川縣志卷之四十八

鄉賢志 方技

宋

陳撝周益公必大贈以正易心法及易索兩書謂心法出

麻衣道者其傳則希夸先生可以求天理易索吉之泰

和張汝明所作可以知人事撝得之遂以精易卜名

李生王生逸其名並撫人醫道並行王亞於李崇仁有大

室邀李治病約病愈謝以五百緡李療之旬日不差語

以更用王醫乃留數藥而別道遇王醫告之故王曰吾

技出兄下今往無益不如俱歸李曰不然吾得脈甚精

處藥甚極其不愈者不啻得謝耳故辭公往以吾藥治

之必愈王如其言悉用李藥徵易傷使進越三日疾瘳
富室如元約酬之王歸以半遺李辭曰公治疾吾何功
必不可家頤山坤翁曰二人取與之道明矣其精於藝
也固宜

九

王謙道精地理著地理直詮去取詳當草廬稱之曰儒家
之術術家之儒其書之精也宜哉

普稱撫州僧也至元間人初唐一行禪師作星曆書十有
二家誓曰國興則見未興則隱後青城山僧號枯木傳
此書於史彌遠家至普稱又得其傳而後因明慧月號
琴堂者陝斯文至大都明南昌僧號普庵復獲此書於

天界寺搜括著李宗舒遂揚其波至今稱琴堂五星云

吳英字士傑通天文星數之學王統問被誣謫戍京衛武
定侯薦之授五官司晨常言戊辰歲北方有兵變英廟
在南內聞其言命卜得飛龍在天之占復辟賜宅一區
欲官以部屬謝曰臣福薄不足勝此仕至春官正子吳
以天文累官太常少卿

陳自明字良甫精於醫以李師聖郭稽中所著產論室慶
諸集綱領漫而無統節目畧而未備醫者不能深求徧
覽乃采摭諸家之書附以家傳驗方編葺成方凡八門
門數十餘體總二百六十餘論論後列方是爲大全良

方金壇王太史肯堂爲證治準繩女科一部全用其書
曾易明景泰中遇異僧授以堪輿家術爲人卜地衰旺興
廢輒先定其年月日時曰後當然已而果然易明亦自
重其術異甚臨川有饒氏者知之館殺易明於家三年
事之特謹然終不敢以地請最後易明乃指示曰某可
墳某可宅卒賴其力或以貴富傲之卽有重賄輒拂衣
去不顧易明不娶妻無子漸能辟穀不知所終

國朝

張 號神峯上官里人精星學以五行錄命諸書諸家
沿習訛舛著闕謬一書游內星平家皆宗之

方天爵精曆法作七政臺曆書頗鮮訛錯談星平者悉用
之

已上醫卜星相

晉

紫虛元君司徒魏舒之女名華存生二子遇仙授仙術大
卒迺亂臨川立精舍汝水西又爲壇井山年八十三托
劍化形會群仙於陽洛宮久之上升列紫虛元君顏魯
公有記

唐

黃令微少好道風神卓異天然絕粒年十二度爲女道士
年八十髮白變紅其行奔馬不及得西山天師胡超指
示魏夫人爲壇處又夢有人謂曰井山道場何不修葺

運明諸山果有自然石井深三尺廣丈餘天欲雨雲霧
起其中旣建精舍時聞仙樂之音環壇數里莫敢樵採
有野鹿爲獵人所射姑爲之校箭每至齋時卽銜蓮藕
以獻開元九年姑欲上升謂弟子曰吾棺不用釘以絳
紗幕之數夕雷震電繞視紗頂孔如雞卵星穿容人棺
中惟有被覆木簡而已弟子奠瓜葷生蔓數尺結實如
桃姑之弟子黎瓊仙親覩其事瓊仙郡人後亦仙去

戚姑相傳長官戚文秀之女歸吳元朗兩遇媿夫人剪華
姑年十八乘雲去山有七井里人禱雨輒驗

尹用出語輕狂人呼尹風子唐天祐中至撫州村民斃牛
犢尹夫婦得肉十餘斤頓食之卒吏以菅蓆壓路左一
石北巾見尹夫婦叱江南詞丐於道相見墮髮登酒
樓飲吏醉卧尹夫婦高唱出城題道觀壁云士南方奉
龍神尹用有詩云日月祥開瑞氣纏儂家應作大神仙
毫端森灑風雷力劍鍊裁成造化權肆闕中原新禮樂
靜擧邊境罷烽烟列仙功業只如此便上三清第一天
及吏醒懷中得紫金十兩開其墓惟菅蓆二爛犢肉十
斤

鄧崇陽者名思躡亦作思瑛隱於麻姑山唐開元中詔求方士

郡以思躡應詔帝雅重之嘗使神卒討西戎之犯境者
玄宗賜詩曰太乙三門訣元君六甲符下傳金板術上
刻玉清書有美探真士囊中得秘珠自茲三醮後羽我

或殘虜至開元二十九年召入太同殿忽見虎駕龍車
二人執節於庭墮謂其友竹務猷曰此迎我也可爲吾
奏願歸本山今崇仁相山所祀四仙鄧其一也樂巴嘗
爲豫章郡行部至此相傳墓在山下梅福爲南昌尉以
劫王鳳棄官歸隱後亦成仙葉法善隱松陽卯酉山皆
能行雨故並祀之

宋 未震爲彭澤今入修山得梁道士尉文光丹藥爐鼎遂以
黃冠隱山中相傳仙去不知所終

旣洞天爲縣掾淳化中夢神告曰汝心公平名已動天遂
修道有羽士告以宜見譚紫霄訪之數年遇于南豐二

日忽曰羣仙會綠竹峯予被召遂別其徒不知所往

士文卿徽宗夢三天掌文史吏陶伯威降有豫求之得文
卿拜凝神殿侍宸時祀明堂雨不止禱而濟揚州旱詔
求雨使劍嶼水曰借我黃河水三尺數日奏得雨皆黃
泥賜號通虛妙先生一日謂徒曰西北有黑雲起當報
我移時果然卽入室解化乾道初有人見文卿于城都
者

黎道華字師侯出家祥符觀受春秋於鄧名世學詩于謝
逸與曾季狸僧惠巖號臨川三隱性至孝母家汝水東
日必一省一日春水漲駕舟衝流而往舟已沒篙工手
援出之人謂孝感所致自號臥庵有願庵詩集姜之茂

白玉蟾瓊山人嘉定間遊臨川居筆架山三十年衣襟襍善談仙幻有筆架山詩二十八首後辭去不知所終

元

雷思齊字齊賢出家種湖觀授玄教講師註莊子草廬贈詩曰鈎探十翼象外意羅絡三倉篇外文道德五千聯貫密逍遙第一寸銖分此那何有王元澤後世詎無揚子雲吾取二書遺註我何當商量重云云所著有空山漫稿

李商弼字良佐幼與揭曼碩友善工屬文一日晨興有數道人叩門謁求作白蓮庵記授筆而就人爲歎處有曠忽坐逝父母聞而趨哭之起迎父母曰某兄弟多多匆匆爲憂旣瞑一道人撫其背曰檀越生好處復瞪目厲聲曰大法本無生滅堊時衆輿出城初不能勝忽輕如羽時年二十二曼碩作四友詩李其一

柱心淵撫州人紫極宮道士醉便卧地號桂風子虞集異之初宮寮有宴鵬會心淵一遇飲啖無算或乘酒罵詈人不堪遂各會淵幻在各席溷撓衆始異之俄而謝衆跨虎去後隱廬山虞集贈詩曰深人廬山裏年年不見春風高曾跨虎月落更聽猿酒熟邀皆去丹成笑一言屏風第九疊相與浴朝曦

余岫雲名非聖號非非子葦蓋山南谷人也虞文靖公集

爲非非子幽室志云年十五學道於宜黃縣南華山昭
福觀後遍歷江漢淮海渡河游齊魯燕趙間兩至華陰
入終南太白登武當衡岳羅浮武夸天台得異人之傳
至温州時方旱祈禱不應或曰此君不凡當可得雨羣
往謁之岫雲曰欲雨乎卽日雨霑足亦不見其有所爲
也温州先有教人學道者出妻子破家產乃可岫雲曰
非道也復爾家室治爾生產行人道之常而不累於心
可也及歸臨川以仙遊山爲王郭二仙求其師浮邱伯
之所居之破屋數椽耳居無何信嚮四至殿堂門廡陶
甃木石不約而輯甌粟無儲而坐客常滿日使一童子
攜一簞入市人見爲岫雲僮也輒與飯一小器至簞滿
卽還師弟子主僕淪水食之江東西高雅之流或道過
臨川無不就岫雲談者分簞食共食之怡然山下有薄
田數畝人助之耕給不給亦不經意與人相接毅然不
可犯而未嘗有競意岫雲未嘗讀書而所言平易雅正
故翰林學士吳公嘗問爾之爲學何如以顏子喟然章
對始則恍惚難象而卒見卓然自立時至而自化爾公
曰佔畢終日未有如是舉者至元五年己卯十月二十
七日化去年六十未沒時偏與所識書別虞集銘之曰
六十而化載斯邱孰云非仙乃其游微風落月山木秋
簞食屢空吁不留

鐵寇道人張中。字景華。好戴鐵寇。初以春秋應舉。不第。遇異人。授以太極數學。談禍福。奇中歲壬寅。明太祖下豫章。鄧愈薦中奇術。召問曰。予定豫章。兵不血刃。生民自此蘇息。否。曰。未也。旦夕此地當流血。廬舍焚燬。鐵柱觀惟一殿存。夏四月。指揮使康泰反。一如中言。中又言國中大臣將有變。而平章邵榮。參政趙繼祖。果爲亂。陳友諒圍豫章。三月不解。上舉兵伐之。召對曰。五十日內當大勝。亥子之日。獲其首領。其戰必在南康。彭蠡常遇春與敵。戰康郎山。被圍。僉謂不可救。中曰。亥時當出。至期果然。諒中矢流死。兩軍皆未覺。道人密奏曰。友諒死矣。願其下木。知猶力戰。請遣死囚。特祭文。往哭。則彼衆氣奪矣。從之。降其衆五萬。後帝定鼎金陵。以雞鳴寺高殿大內。欲毀之。猶未言。中謂寺僧曰。聖人有意毀汝寺。來日當歸寺。汝等於中道遮訴。可免僧衆。燃香出山。侯駕拜懇。帝曰。我無此心。何以妄訴。僧曰。此鐵寇道人教臣耳。帝異之。寺得不毀。道人居都下。數年。一旦自投大中橋水。死命求屍不獲。已而潼關守吏奏某月日鐵寇策杖出關。則具投水日也。後建文時。復見于金陵。歌曰。莫逐燕。逐燕自高飛。高飛上帝畿。道有靖難之事。後不知所終。

已上道人巫覡

四

道一禪師漢州什邡人也姓馬氏故稱馬祖唐開元中自建陽佛迹嶺遷臨川學者雲集一日謂衆曰汝等諸人各信自心是佛此心卽是佛心達摩大師從南天竺國來躬至中華傳土乘一心之法令汝等開悟夫求法者應無所求心外無別佛佛外無別心不取善不捨惡淨穢兩邊俱不依着汝但隨時言說卽事卽理都無所礙菩提道果亦復如是於心所生卽名爲色知色空故生卽不生若了此意乃可隨時着衣喫飯長養聖胎任運過時更有何事僧問和尚爲什麼說卽心卽佛師云爲止小兒啼僧云啼止時如何師云非心非佛僧問如何是西來意師云卽今是什麼意師入室弟子一百三十人各爲一方宗主轉化無窮初有識記後來一疋馬踏殺天下人至祖具驗

靈濟禪師姓程名慧芳自池陽來寓臨川延壽鄉於叢木下燕坐誦一字頂輪王呪凡二十年不寐曰暘而暘曰雨如雨鄉人因建精舍居之號孔仙院唐會昌初嚴沙門之禁太守穆棲梧庇之郡城其徒羣集卒瘞桐林嶺宋治平間早鄉人言其塔靈賜號靈濟今仰山塔是也白楊禪師姓王名仙林唐元和中出家白楊寺功行勤苦歲早鍾地則泉湧民資灌溉與普潤禪師遊一日開田至紙營村聞潤已化于長沙卽彈指倚鍾而化普潤亦臨川長樂鄉人姓翁咸通中與師並賜院額

元證禪師名本寂年十九往福州靈石出家尋謁洞山遂
受洞山宗旨復問子向甚麼處去曰不變異處去山曰
不變異處豈有去耶師曰去亦不變異遂造曹溪禮祖
曰塔還臨川至荷玉山定居焉志慕六祖名山爲曹塋于
山之西阿賜號大師塔曰福圓

金峯從志禪師愛曹洞宗拈起枕子示僧曰一切人喚作
枕子金峯道不是僧曰未審和尚喚作甚麼師拈起枕
子僧曰恁麼則依而行之師曰落在金峯窩裏

王禪師不知何許人居城西禪居院鄉人禳禱率請之嘗
醉卧陳氏館穴壁窺之乃黑龍也未幾示偈坐亡寺爲
塑骨祀之時有常蘊者姓劉自泉州來與其徒日明月

聲者結院於中華山傳有異蹟守院者塑像祀之號三
應禪師

五代

證空禪師姓郭名居遁年十四入嵩嶽爲僧參翠微德山
不悟復謁洞山价一日問知何是祖師意价曰待洞水
溯流卽向汝道遂悟號證空嘗自寫半身影其徒贊之
曰日出連山月圓當戶不是無身不欲全露後唐同光
元年秋夜有星隕方丈前趺坐而化

宋

壽山禪師者

名慕詰翠巖可真法嗣也初師之母夢
金甍生白光照室視髮于南豐之永安及

元澄禪師名本寂年十九往福州靈石出家尋謁洞山遂
受洞山宗旨復問子向甚麼處去曰不變異處去山曰
不變異處豈有去耶師曰去亦不變異遂造曹溪禮祖
塔還臨川至荷玉山定居焉志慕六祖名山爲曹塋于
山之西阿賜號大師塔曰福圓

金峯從志禪師愛曹洞宗拈起枕子示僧曰一切人喚作
枕子金峯道不是僧曰未審和尚喚作甚麼師拈起枕
子僧曰恁麼則依而行之師曰落在金峯窩裏

王禪師不知何許人居城西禪居院鄉人禳禱率請之嘗
醉卧陳氏館穴壁窺之乃黑龍也未幾示偈坐亡寺爲
塑骨祀之時有常蘊者姓劉自泉州來與其徒日明月

燈者結院於中華山傳有異蹟守院者塑像祀之號三
應禪師

五代

證空禪師姓郭名居遁年十四入嵩嶽爲僧參翠微德山
不悟復謁洞山价一日問知何是祖師意价曰待洞水
溯流卽向汝道遂悟號證空嘗自寫半身影其徒贊之
曰日出連山月圓當戶不是無身不欲全露後唐同光
元年秋夜有星隕方丈前趺坐而化

宋

嵩山禪師者

各慕詰翠巖可真法嗣也初師之母夢
金甍生白光照室視髮于南豐之永安及

詩可直言下大悟真入寂乃往瀉山每粥罷放鉢後常
自役作不眠者四十年宋紹聖初住智海院哲宗召見
延和殿及示寂書偈曰昨夜三更風雷忽作雲散長空
前溪月落有舍利塔在沐城東

如壁者饒氏初名節字德操博學能文後之穀城香嚴寺
聽智海說法而悟遂落髮陳瑩中與詩云舊時饒措大
今日壁頭隨借閣安心法儒禪隔幾何先是禪師有詩
云開攜經卷倚松立試問客從何處來因號倚松道人
有倚松集嘗以詩勸呂紫微曰向來相許濟時功大似
顏伽餉遠空我已定交木上坐君猶求舊管城公文章
不療百年老世事能排兩頰紅好貸夜窗三十刻剝床

跌坐究騷風始德操攜一僕往襄鄧間僕亦竊聽說法
日有開悟遂祝髮名如琳病死好事者爲作舉火疏曰
無復挾書更逐康成之後豈憂成佛不居靈運之先

覺範禪師名惠洪真淨文禪師之法嗣住清涼院有重名
崇寧初朱彥守撫州請開法于州之景德寺與溪堂荆
國俱友善後以黨籍流廣南歸築庵于臨川著書最富
時稱爲禪門司馬其冷齋夜話載郡中語爲多

文惠大師者彭氏名惠嚴出家寶應寺時韓陸陽駒客寓
此寺每賦詩師從旁諦聽韓曰須吟盡龍惡而後可施
籠鏡自是有能詩聲鄉人李侍郎浩時爲中都官朝士
問曰斷溝橫畧約支逕入招提此臨川嚴上人詩耶李

曰是特虎豹一斑耳後悟曰文字特綺語業耳乃棄置
筆硯淳熙中常平使者陸遊延師至行臺問詩笑而不
答

法安姓許住黃山如意院後住武寧延恩寺邑令勅縣豪
新其寺安曰強其人名作業黃山谷爲作塔銘

無相僧者姓胡名妙明臨川染家子也遇善知識教其面
壁靜坐遂有悟頓能文各公多與之交象山一日講易
無相在坐象山問理會得否無相曰三晝未分消息露
六爻纔動錯商量晚年結庵常清觀之西趺坐而逝

元

孫禪師臨川明小寺僧戒行精專天曆二年旱鄉民請師
禱三日不雨遂積薪自焚雨大作屍不燬漂屍寺前止
石巖下人言巖爲黃華姑所居而異之爲立祠

本朝

卷五

明敏禪師字文仲崇仁人姓陳母鄧氏夢異光投懷而孕
年十四歲母沒視髮于宜黃曹山後於疎山亞目和尚
處持受戒律又參廣壽智勝長老職監院隨智勝主曹
山五載洞徹知見明上上乘雲遊信州入杭抵蘇道歷
諸大蘭若識悟益增覽義超卓百應不窮返曹山數年
李鄆司馬縣圃請住上橋多福寺乾隆六年衆以廣壽
虛席請主院事晚歲詩益工精字法戒律尤謹答問以
正實爲宗盡掃機鋒外諦或問師授受曹山衣拂請示

傳世度人宗旨。安在答曰。即事即理。是聖是佛。昔曹山
教果。從疑情上參透。其令徵諸公。從不疑處隨緣做去。
自然水到渠成。不待言語文字。轉相指授。那侯劉永錫
一爲之傳。

禱三日不雨。遂積薪自焚。雨大作。屍不燬。漂屍寺前。止
石巖下。人言巖爲黃華始所居。而異之爲立祠。

臨川縣志卷之四十九

鄉賢志 流寓

吳

丁奉字元淵廬江安豐人仕吳爲冠軍將軍封都亭侯計畧過人能斷大事孫休時遷大將軍休薨奉與丞相濮陽暉等迎立孫皓遷右大司馬左軍師有毀之者皓徙奉家於臨川

晉

郭翻字長翔武昌人伯父訥廣州刺史父察安城太守翻少有志操辭州郡辟及賢良之舉家于臨川不交世事惟以漁釣射獵爲娛與翟湯俱爲庾亮所薦公車博士

臨川集 卷之四十九
徵不就咸康末乘小船營歸武昌省墳墓安西將軍庾翼躬往造翻欲強起之翻曰人性各有所短焉可強逼翼又以其船小狹欲引就大船翻曰使君不以鄙賤而辱臨之此固野人之舟也翼俯屈入其舟中終日而去

南唐

賈崇少勇果俗謂之賈尉遲事烈祖積官至侍衛都虞候元宗嗣立擢神武統軍東都屯營使周師未及境盡焚其井邑棄壘而歸元宗責其奔潰之由且曰朝野謂卿爲賈尉遲朕甚賴卿一旦敵兵未至奔甲宵遁何面目至此耶崇叩首言朱元既叛大軍失律城孤氣奪無數旅以禦要害雖真尉遲亦無所施其勇惟陛下裁之以

許昌舊衆長流撫州

宋

韓駒字子蒼蜀陵陽人從蘇轍學轍稱其詩比唐人儲光義由此知名累官至直學士坐蘇氏黨落職靖康初召爲中書舍人知應天府徙黃州又以待制知蔡州請祠寓臨川久與太守曾紆汪藻相厚善年五十六卒于臨川寓舍黃魯直稱爲佳士故其詩入江西詩派中

許忻字子禮拱州襄邑人父中復爲撫州刺史遂家臨川初擢第時蔡氏當國欲妻以女公曰吾非偶也紹興間赴調趙公鼎蔡大政詢以世務公條十弊以獻丐祠去召試又辭程尚書錕薦之得召對上謂近臣曰朕近得

一許忻卿識之否堂除知無錫縣明年召還時方議和
公極言敵變詐詞切直除吏部郎出爲湖南運判兩易
廣西兼憲事後知邵州招陸復齋俱往至則興學校祠
濂溪郡士嚮方家素貧及歸蕭然如昔閉戶讀書卒年
五十六艇齋魯裘甫狀其行其裔世居湖山里

呂本中字居仁世稱大東萊始以清望居通顯爲中書舍
人去國來寓臨川及去而之嚴之嚮後從二弟居
婺在臨川最久時汪信民謝無逸與饒德操皆相與遊
厚本中詩有疇昔交遊不乏賢二三豪俊聚臨川者指
汪謝饒也

李璆字西美京師人登政和二年第授陳州教授時張文

潛居陳璆師之名爲國子博士提舉江東學事陸辭敬

奏詳明雷爲祕書省正字三遷至左侍郎宣和三年知
房州廷議將取燕璆諫曰太祖以聖武定天下取燕雲
易如反手宰相如趙普輩尙不敢贊者識大勢重民命
也况今時際昇平天下久不識兵乎時相惡之是年得

燕坐前沮議謫監英州清溪鎮明年復爲郎試中書舍

人奏寬元祚名臣子孫禁錮又嘗執奏宦官譚積旣廢

不當復用山東盜起復陳十事忤大臣意奉祠南渡初

除右文殿脩撰知撫州未赴進集撰知吉州時江西兵

多爲亂璆因大閱擒其爲首者斬之賊唐英號小龍盤

汨吉撫虔三境上璆獲賊將不殺使爲官軍鄉導賊遂

平進徽猷閣待制爲潼川路安撫徙成都路定撫攝宣
撫事進徽猷閣學士四川制置使復居成都多惠利三
江堰壞則脩之轉運司欲墾草估錢則折之都計司斂
民錢備冗費則罪之茶馬司請權出邊茶則止之蜀饑
民流則發粟賑之治蜀前後十年人感其德卒於成都
歸葬臨川西津之赤岡所著存清溪集

薛公采字公亮汝州葉縣人幼警敏繼母呂夫人汲公大
防姪女常攜公采歸寧外伯祖草堂先生器之嘗過呂
氏祠享公采陪位畢潛泣於外草堂聞之曰是必思親
故也命設位於門外以祭見其奠獻合儀曰吾固知可
教也遂畱家誨之他日公采問脩身行己之要草堂爲

作十戒十勉詩遂終身識之自是雀鴈陳恬李薦爲延
譽宣和初元以舍法貢於京嘆曰與其干祿而違親孰
若朝夕吾親乎遂歸公采自幼凜遵聖道故以畏自名
嘗作詩訓諸孫朱陸皆爲之跋呂成公贊其像曰今衣
冠古風節室如木衾似鐵佩所聞稚暨耄見汲公無愧
色卒年八十四葬臨川招賢鄉昌厚原

李總字會嬰處州人初以舍選該龍飛恩授新城簿縣有
難處之事皆出身任責令雀與之深敬之三遷爲成都
府察推備與之帥蜀辟制幕除軍器監丞遷四川制參
歷事三帥知沔州開慶丁亥虜犯蜀迺覲境堅守城壁
不爲動虜尋退不復敢攻改除利路運使兼知利州加

直寶章閣再任攝總領滿秩歸名赴行在卒年七十八
由總制幕不七年而持節人皆榮之

張澂字達明舒州人官至尚書右丞建炎南渡嘗宰臨川
因寓居題咏甚富有澹澁文集所居紙營陳氏牛觸岸
崩得一古銅鬲土氣薄饒礦戾盡去惟存精華高二尺
六寸身尺三寸半足七寸半腹從徑尺有八寸橫竅二
寸人皆莫辯惟右丞識之謂劉原父先秦古器記李伯
時呂與叔考古圖趙德父所摹古今石刻吳儀圖所藏
三代器皆未有大於是者

李璧字季章睢山人吳巖先生燾之子歷仕至叅知政事
士論以璧文章伯仲葉水心詩詞輩行陸放翁晚遷于
荆公詩當時推爲諸家之冠亦居臨時所撰也

管鑑字明仲祖師仁仕至樞密鑑力學好脩父蔭補官再
調江西常平提幹始家臨川累官至廣東提刑權知廣
州兼經畧安撫使移湖南轉運卒年六十三

林文仲字次章祖公選本閩清人爲瓊管安撫待次撫城
因家焉文仲登宋淳熙二年進士授常德府司法李燾
以性行良實職守靖共薦之嘉定初起家爲成都漕政
事和平爲蜀人所愛年七十卒子正嘉泰二年進士

孫觀晉陵人宋宣和六年以尙書員外郎叅詳貢舉嘗詣
建道臨川寓宜黃最久爲縣令鄧度丞周執羔作興造

遷學諸記文詞雄偉有古作者風後以名去

元

虞汲本蜀仁壽人先文之後父珪知連州以文學知名汲仕宋爲黃岡尉宋亡僑居臨川崇仁與吳澄爲友澄稱其文清而醇家貧教授後以翰林院編脩致仕章伯顏以左丞致仕居臨川平章政事道童討賊江西請署行省左丞伯顏欣然爲起曰此正吾報國之秋也至則專任調遣設禦敵之計甚悉乘閒出奮擊賊擣其營走之伯顏之功爲多未幾以疾卒後陳友諒攻江西道童退保臨川爲追兵所及死之論忠烈

明

李貞字世貞山東蒲臺人初以才學舉任太名主簿收樂安操執清慎上官重之委任磚窰于臨川之金鷄城前董役過勤卒于工次貧不能還遂占於名賢鄉鄉人賢之歲滴酒其墓焉

涂幾字守約潯生從弟志尚高古不與時俯仰爲文據經史下筆輒數千言不涉浮詞尤工楚辭元末避兵臨川之竹山世鮮知幾幾亦未嘗求知於世洪武初嘗擢進時事策上皇帝書其自述有曰臣平生苦學見於文章製作盈几時輩妄推謂當與漢唐文人畧軀先後使居縉閣當作爲聖朝一代大典紀述聖君賢臣之事業鏗錫炳耀間錯金石足以載當世而垂無窮書成會有疾

不果上而卒所著有淦子類稿

吳祺字貴德號西峯豐城賜源人也豐城於臨川爲隣祺爲大理少卿時賜源舊居火祺盡以址讓二弟而自奉其父母以遷於撫城故今爲臨川人祺中弘治己酉鄉試授樂平濠州學正弘治壬戌復以學正第進士拜蘄州崑山令正德丁卯擢雲南道御史歷大理丞少卿大僕寺卿進都察院右副都御史巡撫雲南祺爲人寬宏居官行已務剷去厓罅故所至無赫赫名人多懷之嘗有吏汚金織賜衣懼欲逃名而慰之曰汚可浣何懼爲又損象笏曰物有壞時吾未嘗惜此在雲南自沐國公而下藩臬守令以及諸蠻莫不幸祺久留忽一日褒衣峩冠坐於廳事而卒年六十四墓在金谿白水寺之後

羅府志云弘治志有李璆薛公采李總劉志削之謂

無可考夫昔人志此必有所見或作傳者偶遺一二

語或以事紀其所重而所居所遊畧焉故耳尙以爲

無考而削之則昔人胡爲志之哉故仍採入至如世

傳王祥臥冰池陶侃葬母於抱鄒山存疑可也



一、此 所謂 舊 唐 書 魏 州 志 出

一、魏 州 志 魏 州 志 魏 州 志 魏 州 志

一、魏 州 志 魏 州 志 魏 州 志 魏 州 志

一、魏 州 志 魏 州 志 魏 州 志 魏 州 志

一、魏 州 志 魏 州 志 魏 州 志 魏 州 志

一、魏 州 志 魏 州 志 魏 州 志 魏 州 志